

摘藻堂四庫全書薈要

子部

欽定四庫全書薈要

子部

御定駢字類編卷九十六

詳校官中書臣劉源溥

欽定四庫全書薈要卷一萬一千九百九十五

子部

御定駢字類編卷九十六

數目門十九

五



書序注少昊金天氏名摯字青陽一曰元囂已姓黃帝之子母曰女節以金德王——之最先顓頊

高陽氏姬姓黃帝之孫昌意之子母曰景僕謂之女樞

以水德王——之二也高辛帝嚳也姬姓母名不見以

木德王——之三也唐帝堯也姓伊耆氏堯初為唐侯

後為天子都陶故號陶唐氏帝嚳之子帝摯之弟母曰

慶都以火德王——之四也虞帝舜也姓姚氏國號有

虞顓頊六世孫瞽瞍之子母曰握登以土德王——之

五也 禮記內則見三王下 又樂記——殊時不相
沿樂 周禮外史注見三皇下 戰國策夫徒處而致
利安坐而廣地雖古——三王五霸明主賢君常欲坐
而致之其勢不能 史記——紀子觀春秋國語其發
明——德帝繫姓章矣注索隱曰——德帝繫姓皆大
戴禮及孔子家語篇名 又秦始皇紀功蓋——澤及
牛馬 漢書鼂錯傳黃帝得力牧而為——先大禹得
咎繇而為三王祖齊桓得筦子而為五伯長 宋書樂
志見三皇下 列子善為化者其道密庸其功同人——
——之德三王之功未必盡智勇之力或由化而成熟測
之哉 又三皇之事若存若亡——之事若覺若夢
莊子夫三皇——之禮義法度不矜於同而矜於治故
譬三皇——之禮義法度其猶粗槲橘柚邪其味相反
而皆可於口 又——之所連三王之所爭仁人之所
憂任士之所勞盡此矣 荀子——之外無傳人非無
賢人也久故也 又誥誓不及——盟詛不及三王交

質子不及五伯 呂覽見三王下 孝經援神契三皇

步——驟三王馳五伯驚 尚書璇璣鈴帝者天號王

者人稱天有——以立名人有三王以正度 風俗通

易傳禮記春秋國語太史公記黃帝顓頊帝嚳帝堯帝

舜是——也 又謹案易尚書大傳天立——以為相

四時施生法度明察春夏慶賞秋冬刑罰帝者任德設

刑以則象之言其能行天道舉錯審諦 天尊老君名

號歷劫經略太極老君又授人皇內經十四篇人皇得

此經以治天下三十六萬歲由是以後九億九千九百

九十九歲方至於——興焉——各理三萬六千歲而

——氏後建於中皇 小學紺珠——少昊金天氏顓

頊高陽氏帝嚳高辛氏帝堯陶唐氏帝舜有虞氏 又

——黃帝顓頊帝嚳帝堯帝舜 又——太皞炎帝黃

帝少皞顓頊 又——包犧神農黃帝堯舜 又——

都少昊都曲阜顓頊都濮陽帝嚳都亳堯都冀舜都蒲

明一統志——廟在西安府舊長安東北 崔伯易

御定駢字類編

二

感山賦——憲老之典三王觀風之制 繆襲魏鼓吹
曲越——邈三王 杜甫劍門詩三皇——前雞犬各
相放 薛能昇平詞——三皇主蕭曹魏邴臣 又詩
胡然而天也胡然而帝也 箋帝——也疏謂——精之——
也春秋文耀勾曰倉帝其名靈威仰赤帝其名赤熛怒
黃帝其名含樞紐白帝其名白招拒黑帝其名汁光紀
是也 周禮冢宰祀——則掌百官之誓戒與其具修
又大宗伯以血祭祭社稷——五嶽注——者五官
之神在四郊四時迎五行之氣於四郊而祭五德之帝
亦食此神焉 史記文帝紀於是天子始幸雍郊見——
——又封禪書見五牢下 漢書司馬相如傳使——
先導兮反大壺而從陵陽注應劭曰——五時太皞之
屬也 又魏相傳東方之神太昊乘震執規司春南方
之神炎帝乘離執衡司夏西方之神少昊乘兌執矩司
秋北方之神顓頊乘坎執權司冬中央之神黃帝乘坤
艮執繩司下土茲————所司各有時也 宋書禮志泰

始二年正月羣臣議——即天也五氣時異故殊其號
雖名有五其實一神明堂南郊宜除——之坐五郊改
五精之號皆同稱昊天上帝如設一坐而已金丹諸
真元與丹成九轉結紫華紫華光裏撮金華撮得精英
——華三洞品格見一文下屈原九章令——以
拊中兮戒六神與嚮服注——謂五方神也楊炯和
輔先入昊天觀星瞻詩漢君祠——淮王禮八公戎
昱送吉州閭使君入道詩廬陵太守近隴官霞帔初朝
——壇李商隱寓懷詩見三清下曹唐小游仙詩
上元元日豁明堂——望空拜玉皇又晉書天文志
華蓋下五星曰——內坐設敎順帝所居也孝經內
事王者動得天度止得地意從容中道陰陽合度則大
微——座星明以光也春秋文曜鉤咸池天潢五星
——居舍也星經——內座在華蓋下覆帝座也——
——同座也上色正吉色變為凶災也劉向九歎指列
宿以白情兮訴——呂置詞楊炯渾天賦——之座

三光之庭

五皇

黃庭內景經口銜靈芒攜
一一腰帶虎籙佩金璫

五后

隋書何妥傳宣帝初欲立一一以問儒者辛彥之
對曰后與天子匹體齊尊不宜有五妥駭曰帝嘗

四妃

舜又二妃亦何常

數由是封襄城縣伯

五王

史記呂后紀尊立文帝語在周勃高一一傳
炯為王僧辯勸進梁元帝表軒轅得姓存者二人

高祖

一一代實居長

又後漢書井丹傳建武末沛王

輔等

一一居北宮皆好賓客更遣請丹不能致信陽侯

陰就

以外戚貴盛乃詭一一求錢千萬約能致丹別使

人要

劫之丹不得已既至就故為麥飯蔥葉之食丹推

去之

曰以君侯能供甘旨故來相過何其薄乎更致盛

饌乃食

嵇康井丹贊抗節一一不交非類任昉竟

陵文宣王行狀乃知大春屈已於——君大降節於憲
后致之有由也 又宋書符瑞志謚言曰五馬游度江

一馬化為龍元帝與西陽汝南南頓彭城——過江而

元帝升天位 又周書宣帝紀大象二年五月丁未追

趙陳越代滕——入朝 又唐書讓皇帝傳初帝五子

列第東都積善坊號——子宅及賜第上都隆慶坊亦

號——宅 小學紺珠——宅睿宗五子宋申楚岐薛

圖畫見聞誌黃延浩工畫人物有明皇吹玉笛——

同幄春園宴會乞巧等圖 徐寅華清宮詩——更入

帳七貴迭封侯 顧瑛天寶宮詞——馬上打毬歸羸

得宮花戲貴妃 又唐書——傳贊——提衛兵誅嬖

臣中興唐室不淹辰天下晏然其謀深矣 宋史豐稷

傳哲宗升祔議功臣配享稷以為當用司馬光呂公著

或謂二人嘗得罪不可用稷曰止論其有功於時爾如

唐——豈非得罪於中宗何嫌於配享 小學紺珠——

桓彥範敬暉崔元暉張柬之袁恕已 又水經注見

五侯下 小學紺珠中山

元才並才顯才仲才季才

五君

左傳子木問於趙孟曰范武子之德何如對曰夫子之家事治言於晉國無隱情其祝史陳信於鬼

神無愧辭子木歸以語王王曰尚矣哉能歆神人宜其

光輔一以為盟主也注一謂文襄靈成景又齊

書禮志見七主下又南史顏延之傳出為永嘉太守

延之甚怨憤乃作一咏以述竹林七賢山濤王戎以

貴顯被黜孟郊上包祭酒詩時吟一咏再舉七子

風蘇軾詩淒涼一咏沉痛八哀詩又唐書張說

傳說既失執政意內自懼雅與蘇瓌善時瓌子頊為相

因作一一詠獻頊其一紀瓌也候瓌忌日致之頊覽詩

嗚咽未幾見帝陳說忠蹇有勲不宜棄外又呂覽齊

桓公染於管仲鮑叔晉文公染於咎犯却偃荊莊王染

於孫叔敖沈尹筮吳王闔廬染於伍員文之儀越王句

踐染於范蠡大夫種此一一者所染當故霸諸侯功名

傳於後世 又淮南子夫仇由貪大鐘之賂而亡其國

虞君利垂棘之璧而擒其身獻公艷麗姬之美而亂四

世桓公甘易牙之和而不可以時葬吳王淫女樂之娛而

亡上地使此——者適情辭餘以已為度不隨物而動

豈有此大患哉 又小學紺珠——顧邵諸葛瑾步

騭嚴畋張承 又——徐鉉李昉石熙載王祐李穆

五霸

亦作伯孟子——者三王之罪人也今之諸侯——

假之也 左傳——之霸也勤而撫之以役王命注夏

伯昆吾商伯大彭豕韋周伯齊桓晉文釋文或曰齊桓

晉文宋襄秦穆楚莊 戰國策見三王下 史記秦始皇

皇紀周室卑微——既歿令不行於天下 又貨殖傳

昔者越王句踐困於會稽之上乃用范蠡計然遂報彊

吳觀兵中國稱號——荀子仲尼之門人五尺之豎

子言羞稱乎——是何也曰然彼誠可羞稱也 呂覽

桓公行公去私惡用管子而為——長行私阿所愛用

豎刁而蟲出於戶 風俗通——伯者長也白也言其
咸建五長功實明白或曰霸者把也駁也言把持天子
政令糾率同盟也 小學紺珠——齊桓晉文楚莊吳
闔閭越句踐 又——齊桓宋襄晉文秦穆吳夫差
阮籍通老論見三王下 高適宋中詩——遯征伐宋
人無戰功 陸龜蒙讀襄陽耆舊傳詩却視——圖股
掌弄孩幼 蘇軾贈月長老
詩——之所運毫端栖一塵

五公

後漢書班固傳冠蓋如雲七相——注——謂田
蚡為太尉長陵人張安世為大司馬朱博為司空

並杜陵人平晏為司徒韋賢為大司馬並平陵人也
晉書齊王冏傳以車騎將軍何勗領中領軍封葛嶼為
年平公路秀小黃公衛毅陰平公劉真安鄉公韓泰封
丘公號曰——唐書柳沖傳齊諸田楚屈景皆右姓
也其後進拔豪英論而錄之蓋七相——之所由興也
小學紺珠——始興廬陵始安長沙康樂 又素氏

——索安字邵公安子敞字叔平敞子湯字仲河湯子
逢字周陽逢弟隗字次陽明一統志——山在泉州
府惠安縣東北相傳梁寶公等五人隱於此故名又
——山在溫州府瑞安縣西三十里世傳梁時高僧誌
公等五人居此李
順行路難見四代下

五侯

書康誥王若曰孟侯朕其弟小子封傳孟侯長侯
也——之長為方伯左傳見九伯下漢書元

后傳河平二年上悉封舅譚為平阿侯商成都侯立紅
陽侯根曲陽侯逢時高平侯五人同日封故世謂之——

——又鄭崇傳孝成皇帝封親舅——天為赤黃晝昏
日中有黑氣後漢書樊儵傳見一宗下又陳蕃傳

前梁氏——毒徧海內注——謂允讓淑忠戟五人

又單超傳帝呼超館收冀黨與悉誅之封超新豐侯璜
武原侯瑗東武陽侯館上蔡侯衡汝陽侯五人同日封
故世謂之——按璜徐璜瑗具瑗館左館衡唐衡也

宋書五行志見五復下 莊子相里勤之弟子——之
徒南方之墨者苦獲已齒鄧陵子之屬俱誦墨經而倍
謫不同相為別墨 西京雜記——不相能賓客不得
往來婁護傳食——間各得其歡心競致奇膳護乃合
以為鯖世稱——鯖 水經注易水東左與子莊溪水
合水北出于莊闕南流逕五公城西屈逕其城南五公
猶王興之五子也光武即位封為——元才北平侯益
才安喜侯顯才蒲陰侯仲才新市侯季才為唐侯所謂
中山之五王也俗又以五公名居矣 小學紺珠見一
門下 陸機漢高祖功臣頌三王從風——允集 又
演連珠見三卿下 梁元帝全德志論雖坐三槐不妨
家有三徑但接——不妨門垂五柳 盧思道勞生論
見一簪下 鮑照數詩——相餞送高會集新豐 戴
嵩煌煌京洛行——同拜爵七貴各垂纓 王褒游俠
篇見四姓下 庾信咏画屏風詩定須催十酒將來宴
——江總洛陽道詩——新拜罷七貴早朝歸 孔

寓子效子建白馬篇——競書幣群公亟為言 駱賓

王和孫長史秋日卧病詩見三婦下 陶翰送朱大出

關詩長揖——門拂衣謝中貴 李白流夜郎贈辛判

官詩昔在長安醉花柳——七貴同杯酒 高適行路

難詩——相逢大道邊美人絃管爭流連 又東平旅

游奉贈薛太守二十四韻詩出入交三事飛鳴揖——

任華寄李白詩見八詠下 武元衡長安春望詩綠

楊中禁路朱戟——家 于鵠長安游詩久卧長安春

復秋——長樂客長愁 白居易訓張十八訪宿見贈

詩見三相下 王建謝田贊善見寄詩——三任未相

稱頭白如絲作縣丞 李涉山花詩長安若在——宅

誰肯將錢買牡丹 劉春虛贈喬琳詩如今——不待

客羨君不問——宅 陸暢雲安公主催妝詩雲安公

主貴出嫁——家 李嘉祐寄王舍人竹樓詩傲吏身

閑笑——西江取竹起高樓 綦毋潛送宋秀才詩舊

交丞相子繼世——孫 韓翃寒食詩日暮漢宮傳蠟

燭輕烟散入——家

溫庭筠回中作吳姬怨思吹雙

管燕客悲歌別——

又夜宴謠虬鬚公子——客一

飲千鍾如建瓴

吳融海棠詩若教更近天街種馬上

多逢醉——

李洞終南山詩遠平丹鳳闕冷射——

廳羅鄴長安春雨詩半夜——池館裏美人驚起為

花愁

徐夔斷酒詩見三蜀下羅隱送姚安之赴任

秋浦詩——水暖魚鱗去九子山晴雁序來蘇軾次

韻孔毅父集古人句見贈詩今君坐致——鯖盡是猩

脣與熊白馬祖常壽

郝大參詩見三里下

五佐

史記天官書水火金木填星此五星者天之——
注正義曰言水火金木土五星佐天行德也唐

祀九宮貴神樂章羽翼——周流八荒又小學紺珠

——周公召公太公畢公高蘇公忿生又——太公

周公召公

畢公毛公

五相

小學紺珠——裴垍王涯杜元穎崔羣李絳白居易李留守相公見過話及翰林舊事詩同時六

學士

——一漁翁 賈島送

劉知新往襄陽詩見三層下

五卿

左傳見九縣下 又鄭六卿餞宣子于郊宣子皆獻馬焉而賦我將子產拜使——皆拜 宋史食

貨志五行天道也五事人道也天人之道治而國家之政興焉是故食貨而下——之職備舉於是矣

五臣

書君奭惟文王尚克修和我有夏亦惟有若號叔有若閔天有若散宜生有若泰顛有若南宮括傳

凡——佐文王為胥附奔走先後禦侮之任 戰國策

莫敖子革對楚威王曰君王誠好賢此——皆可得而

致之按——謂子文葉公莫敖大心勞冒勃蘇蒙穀也

南史謝宏微傳文帝即位為黃門侍郎與王華王曇

首殷景仁劉湛等號曰——唐書呂向傳嘗以李善

釋文選為繁釀與呂延濟劉良張銑李周翰等更為詁

解時號——注 宋史真宗紀大中祥符八年夏四月

辛酉賜宰相——論 子華子周之六師壓郊而陳武

王韞條解焉有——者將受誓事於前王顧而使之條

——者相目而對曰臣之所以事君王非為係韞者也

王不得已乃釋旄鉞而親係之 小學紺珠——禹稷

契臯陶伯益 又——號叔閔天泰顛散宜生南宮适

素宏三國名臣序贊三賢進而小白興——顯而重

耳霸注——狐偃趙衰顛頡魏武子司空季子 潘岳

太宰魯武公諫八元斯九——茲六 梁元帝上忠臣

傳表三能十亂九棘——沈約齊司空柳世隆行狀

見八凱下 范仲淹六官賦巍巍堯帝得——而洽域

中赫赫軒皇用六相而光天下 盧諶贈劉琨詩無覲

狐趙有 與——

五命

禮記王制小國之君不過——周禮大宗伯見

四命下

又典命子男——其國家宮室車旗衣

服禮儀皆以五為節 詩毳衣如羔傳毳衣大夫之服
天子大夫四命其出封——如子男之服 溫子昇司
徒元樹墓誌銘見八符下 又左傳楚子疾告大夫曰
惟是春秋寔窆之事所以從先君子禩廟者請為靈若
厲大夫擇焉莫對及——乃許 孟子——曰無曲防
無過糴無有封而不告 又漢書王莽傳帝王受命必
有德祥之符瑞協成——申以福應注——謂五行之
次相承以受命也 宋書藝文志文靖通元——新括

卷三

五秩

唐書渤海國傳以品為秩——以上服緋牙笏銀
魚 宋史理宗紀寶祐元年十二月庚申劉伯正

薨贈

——

又開慶元年十月壬午御史陳寅言知江

州袁玠貪賊不悛殘賊州邑詔削玠——竄南雄州

五職

陳書皇后傳序世祖天嘉初置婕妤容華充華承
徽烈榮五人謂之——亞於九嬪 北史蘇威傳

宣帝拜威開府隋受禪徵受太子少保俄兼納言歲餘復兼大理卿京兆尹御史大夫本官悉如故侍御史梁毗劾威兼領——安繁應劇無舉賢自代心帝曰蘇威朝夕孜孜志存遠大舉賢有關何遽迫之沈約齊司空柳世隆行狀——瑞扇一司百揆——

五班宋史仁宗紀康定元年五月甲寅朔詔前殿奏事毋過——餘對後殿命大官賜食

五座張衡天象賦見一帝下

五官禮記曲禮天子之——曰司徒司馬司空司士司寇典司五衆疏天子之——者嚮立六官以法天

之六氣此又置——以象地之五行也司徒一司馬二司空三司士四司寇五也又——之長曰伯是職方注謂為三公者周禮九命作伯職主也是伯分主東西者周禮小宗伯毛六牲辨其名物而頒之於——使

共奉之注鄭司農云司徒主牛宗伯主雞司馬主馬及
羊司寇主犬司空主豕戰國策靖郭君謂齊王曰一

靖郭君史記周本紀作一一有司民皆歌樂之頌其

德何待管子問一一有制度官都其有常斷今事之稽也

何待急就篇諸物盡訖一一出注言已說諸物次至

起五鳩五雉若今言百官也又禮記學記學無當於

傳夫物物有其官官修其方朝夕思之一日失職則死

及之失官不食官宿其業其物乃至若泯棄之物乃坻

伏鬱湮不育故有五行之官是謂一一實列受氏姓封

為上公祀為貴神社稷五祀是尊是奉木正曰勾芒火

正曰祝融金正曰蓐收水正曰元冥土正曰后土龍水

物也水官棄矣故龍不生得楚語於是乎有天地神

民物類之官謂之一一各司其序不相亂也民是以能

有忠信神是以能有明德

隋書宇文愷傳見三雍下

金史禮志方丘儀設五神——嶽鎮海瀆二十九座

於第四等階之間各依方位又魏志文帝紀建安十

六年為——中郎將宋書孝武帝紀大明六年正月

乙未置——中郎將左右中郎將官又百官志三署

者——署左署右署也各置中郎將以司之南史虞

玩之傳玩之歸家數年卒其後員外郎孔瑄就王儉求

會稽——儉方盥投阜英於地曰卿鄉俗惡虞玩之至

死煩人又徐勉傳嘗與門人夜集客有虞罵求詹事

——勉正色答云今夕止可談風月不宜及公事梁

簡文帝聽早蟬詩見三危下羅虬比紅兒詩應緣近

似紅兒貌始得深宮奉——又宋史欽宗紀劉韜坐

棄軍降——予祠又孝宗紀乾道元年春正月丁卯

以王抃使金有勞進——又李清臣傳天地之大譬

如人一身腹心肺腑有所攻塞則——為之不寧民人

生聚天地之腹心肺腑也日月星辰天地之——也善

止天地之異者不止其異止民之疾痛而已 莊子天
運篇天機不張而——皆備此之謂天樂 荀子——
薄之而不知心懲之而無說注——耳目鼻口心也——
——能主之而不能知心能召而知之若又無說則人皆
謂之不知也 小學紺珠——耳目鼻口形

五省

宋書禮志見三臺下 齊書王琨傳見三臺下
又蕭穎胄傳穎胄使別駕宗史撰定禮儀上尊號

改元於江陵立宗廟南北郊州府城門悉依建康宮置
尚書——以城南射堂為蘭臺南郡太守為尹 宋史
選舉志見三臺下 小學紺珠——尚書門下內史祕
書殿內 事文類聚陳及後魏亦以祕書與尚書中書
門下集書為—— 溫庭筠為人上裴相
公啓九衢獨愧於迷津——纔霑於掌庾

五府

漢書趙充國傳初置金城屬國以處降羌詔舉可
護羌校尉者時充國病四府舉辛武賢小弟湯充

國遽起奏湯使酒不可與蠻夷不如湯兄臨衆時湯已
拜受節有詔更用臨衆後臨衆病免——復舉湯湯數
醉酌羌人羌人反畔卒如充國之言後漢書樊準傳
今可先令太官尚方考功上林池籩諸官實減無事之
物——調省中都官吏京師作者注——謂太傅太尉
司徒司空大將軍也又張楷傳——連辟舉賢良方
正不就晉書羊祜傳見四辟下宋書禮志夫三公
職典天地實掌民物國之大事取議於此漢氏封禪非
是官也不在其事臣等前奏蓋陳祖考之功天命又應
陛下之德合同四海述古考今宜循此禮至於尅定歲
月須——上議然後奏聞唐書韋嗣立傳古者取士
先鄉曲之譽然後辟於州州已試然後辟——五府著
聞乃升諸朝得不謂所擇悉而所歷深乎韋應物餞
雍聿之潞州謁李中丞詩薄遊——都高步振英聲
元稹去杭州詩簡書——已再至波濤萬里酬一言
劉禹錫早秋送楊侍御歸朝詩見一門下貫休送王

穀及第後歸江西詩——如交辟魚書莫便稀 梅堯
臣送薛通判詩少尹曾為——辟將軍況有舊家聲
又北史牛氏傳明堂者所以通神靈感天地出教化崇
有德黃帝曰合宮堯曰——舜曰總章布政興教由來
尚矣 又今檢明堂必須五室者何尚書帝命驗曰帝
者承天立——赤曰文祖黃曰神斗白曰顯紀黑曰元
矩蒼曰靈府鄭元注曰——與周明堂同矣 小學紺
珠——文祖周曰明堂神斗周曰大室顯紀周曰總章
靈府周曰青陽元矩周曰元堂 又——東曰青陽南
曰明堂西曰總章北曰元堂中曰大室 又列子化人
以為王之宮室卑陋而不可處穆王乃為之改築土木
之功楮堊之色無遺巧焉——為虛而臺始成號曰中
天之臺 玉笑零音——靈而中天之台以建六府流
而方寸之地行空 又胎精中記爾者皆由胞根結滯
盤固三關——不理死氣塞門
致靈關不發而忘其因緣也

五院

唐書劉闢傳帝御興安樓受俘詔詰反狀闢曰臣不敢反——子弟為惡不能制宋史選舉志中

書制勅及——員闕多即遣官特試書劄驗視材質制

勅院須堂後官以下親屬——須父祖有官者樞密院

亦如之金史蕭王家奴傳從梁王宗弼征伐為萬戶

還為——部節度使尚書故實臺儀自大夫以下至

監察通謂之——御史國朝踐歷——者共三人為李

商隱張魏公延賞溫僕射造也南部新書自唐初來

歷——惟二人李尚隱張延賞注——

——謂監察殿中侍御史中丞大夫也

五學

漢書賈誼傳學禮曰帝入東學上親而貴仁則親疎有序而恩相及矣帝入南學上齒而貴信則長

幼有差而民不誣矣帝入西學上賢而貴德則聖智在

位而功不遺矣帝入北學上貴而尊爵則貴賤有等而

下不隲矣帝入太學承師問道退習而考於太傅太傅

罰其不則而匡其不及則德智長而治道得矣此——

者既成於上則百姓黎民化輯於下矣 隋衆經目錄
優婆塞——略論三卷 陳經邦聖駕臨雍賦采——
之文崇三
老之齒

五館

陳書表憲傳梁武帝修建庠序別開——其一館
在憲宅西憲常招引諸生與之談論每有新議出

人意表同輩咸嗟服焉

南史賀瑒傳見五經下 小

學紺珠——明山賓陸璉沈峻嚴植之賀瑒為五經博

士各主

一館

五貴

隋書蘇威傳威與左翊衛大將軍宇文述黃門侍
郎裴矩御史大夫裴蘊內史侍郎虞世基叅掌朝

政時人稱

為——

五正

左傳翼九宗——項父之子嘉父逆晉侯於隨注
翼晉舊都也唐叔始封受懷姓九宗職官——遂

世為晉強家——五官之長也按——勾芒木正祝融
火正蓐收金正元冥水正后土土正王融策秀才文
——置於朱宣下民不忒九功開於黃序底績其凝
又齊語立——各使聽一屬焉注正長也又宋史律
歷志見二變下又平聲周禮射人以射濫治射儀王
以六耦射三侯三獲三容樂以騶虞九節——諸侯以
四耦射二侯二獲二容樂以貍首七節三正孤卿大夫
以三耦射一侯一獲一容樂以采蘋五節二正士以三
耦射豸侯一獲一容樂以采蘋五節二正注正所射也
畫——之侯中朱次白次蒼次黃元居外三正損元黃
二正去蒼白而畫以朱綠其外之廣皆居侯中參分之
一中二尺今儒家云四尺曰正二尺曰鵠鵠乃用皮其
大如正此說失之矣終日射侯不出正兮箋見一
正下張衡東京賦見三之下隋大射登歌巾車整
三乏司裘
飾——

五丞

戰國策見三輔下 卬遲答舉秀才啓今八友盈庭——在幄七教畢修九功具舉 邢邵三日華

林園公宴詩——接光景七友樹風儀

又漢書百官

公卿表太僕屬官有大廐未央家馬三令各——一尉

五長

書益稷外薄四海咸建——傳言至海諸侯五國立賢者一人為方伯謂之——以相統治以獎王

室 又漢書韓延壽傳置正——相率以孝弟不得舍

姦人注師古曰正若今之鄉正里正也——同伍之中

置一人為長也 又平聲唐書王維傳弟縉為蜀州刺

史未還維自表已有五短縉——臣在省戶縉遠方願

歸所任官放田里使縉得還京師議

者不之罪久乃名縉為左散騎常侍

五曹

漢書藝文志——官制五篇 後漢書應劭傳臣累世受恩榮祚豐衍竊不自揆貪少云補輒撰具

律本章句尚書舊事廷尉板令決事比例司徒都目——

詔書及春秋斷獄凡二百五十篇注成帝初置尚書

員五人漢舊儀有常侍曹二千石曹戶曹主客曹三公曹也宋書禮志尚書門下虎賁羽林駙蘭臺——節

藏射廊下守閤威儀發符駙都水使者黃沙廊下守閤

謁者錄事威儀駙河隄謁者駙諸官謁者駙絳繡武冠

給其衣服又百官志魏世有吏部左民民曹五兵度

支——尚書晉初有吏部三公客曹駕部屯田度支六

曹尚書武帝咸寧二年省駕部尚書四年又置太康中

有吏部殿中五兵田曹度支左民六尚書惠帝世又有

右民尚書尚書止於六曹不知此時省何曹也陳書

江總傳文昌政本司會治經韋彪謂之樞機李固方之

斗極況其——斯綜百揆是諧同冢宰之司專臺閣之

任南史戴法興等傳論自宋中世以來宰御朝政萬

機碎密不闕外司尚書八坐——各有恒任唐書藝

文志甄鸞九章算經九卷又——算經五卷宋史職

官志元祐初侍郎司馬光言天下錢穀之數——各得

支用戶部不知出納見在無以量入為出乞令尚書兼

領左右曹錢穀財用事有散在——寺監者並歸戶部
使尚書周知其數則利權歸一 又藝文志魯靖——

時要算術三卷——乘除見一捷例算法一卷 小學

紺珠——算經田曹兵曹集曹倉曹金曹 又尚書——

——三公曹尚侍曹二千石曹民曹客曹 江總讓吏部

尚書表漢置——方今六尚 王僧孺贈顧倉曹詩——

——均趨奏六尚等便煩 權德輿和新卜

城南郊居得與衛右丞鄰舍詩見三壤下

五署

唐書百官志少府監掌百工技巧之政總中尚左
尚右尚織染掌冶——供天子器御后妃服飾及

郊廟圭玉
百官儀物

五史

小學紺珠——大史
小史內史外史御史

五監

漢書百官公卿表太僕秦官掌輿馬有兩丞又龍
馬閑駒橐泉駒駮承華——長丞 隋書百官志

煬帝分太府寺為少府監改內侍省為長秋監國子學為國子監將作寺為將作監并都水監總為一一小

學紺珠一一國子少

府將作軍器都水

五局

唐書宦者傳序又有一一一曰掖廷主宮嬪簿最二曰宮闈扈門闌三曰奚官治宮中疾病死喪四

曰內僕主供帳燈燭五

曰內府主中藏給納

五使

宋史哲宗紀元符元年秋七月乙丑敕大禮一一自今並差執政官定為令又職官志御史臺祭

祀則兼監祭使掌受誓戒致齋檢視糾劾又有廊下使專掌入閣監食又有監香使掌國忌行香二使臨時充

通稱曰一一一又選舉志時遣一一一宣諭諸道令訪廉

潔清修可以師表吏民者小學紺珠宣諭一一一劉大

中胡蒙朱異明橐薛徽言又宋史洪湛傳

湛美風儀俊辨有材幹凡一一一西北議邊要

五守

小學紺珠河西——武威太守梁統金城太守庫鈞張掖太守史苞酒泉太守竺曾燉煌太守辛彤

梁邵陵王綸表京兆——西漢難追又小學紺珠

——聰明廣智守以愚多聞博辨守以儉武力勇毅守

以畏富貴廣大守以

狹德施天下守以讓

五尹

謝惠連長安有狹邪行見三閭下

五介

禮記聘義見三介下

五吏

左傳晉侯濟自泮會于夷儀伐齊以報朝歌之役齊人以莊公說使隰鉏請成慶封如師男女以班

賂晉侯以宗器樂器自六正——三十帥三軍之大夫

百官之正長師旅及處守者皆有賂注——文職唐

書王劇傳長壽中為鳳閣舍人壽春等五王出閭有司

具儀忘載冊文羣臣已在乃悟其闕宰相失色勸召——

一執筆分占其辭燦然皆畢人人嗟服管子昔堯之——五官無所食君請立五厲之祭祭堯之——

五均

漢書食貨志莽下詔曰夫周禮有賒貸樂語有——傳記各有幹焉今開賒貸張——設諸幹者所

以齊衆庶抑兼并也遂於長安及五都立——官更名長安東西市令及洛陽邯鄲臨菑宛成都市長皆為——

——逸周書市有——早暮如一送行逆來振乏救窮又樂緯叶圖徵聖人德承天助以立——均者樂律

調——聲之——也又元稹和樂

天送客遊嶺南詩見三島下

五隸

周禮司隸掌——之法注——謂罪隸四翟之隸也

五督

晉書職官志置武賁羽林上騎異力四部并命中為——

五衛

元史百官志左翊蒙古侍衛親軍都指揮使司秩正三品至元十八年以蒙古侍衛總管府依——

之例為指揮使司設官十二員與魯官二員大德七年
奏改為左翊蒙古侍衛親軍都指揮使司 汲冢周書
一一一明仁懷恕二明智輔謀三明武攝勇四明材攝
士五明藝攝官 陳旅京華即事詩一一旌旗秋甸裏
千官劍珮
曉雲端

五帥

左傳楚師還自徐吳人敗諸豫章獲其一 釋文
謂蕩侯潘子司馬繫嚙尹午陵尹喜五人 又率

同史記楚世家吳以
楚亂故獲一一以歸

五將

漢書五行志成帝建始元年正月乙丑皇考廟災
初宣帝為昭帝後而立父廟於禮不正是時大將

軍王鳳顯權擅朝甚於田蚡將害國家故天於元年正
月而見象也其後寢盛一一世權遂以亡道注孟康曰
謂王五大司馬也師古曰謂鳳音商根莽也 又西域
傳宣帝即位遣一一將兵擊匈奴注謂御史大夫田廣

明為祈連將軍後將軍趙充國為蒲類將軍雲中太守
田順為武牙將軍及度遼將軍范明友前將軍韓增凡
一一也 李陵答蘇武書一一失道陵獨遇戰 梁元
帝討侯景檄三門既啟一一咸發 沈佺期塞北詩見
三軍下 高適自薊北歸詩一一已深入前軍止半迴
盧綸送張郎中還蜀歌瀘南一一望君還願以天書
示百蠻 又送李紉詩舊國仍連一一營儒衣何處謁
公卿 又梁元帝洞林序羨門一一亟經玩習韓終六
王常所寶愛 又晉書孝武帝紀太元十年五月苻堅
留太子宏守長安奔於一一山 水經注地理志曰杜
陽縣自杜水東二坑水注之水有二原一水出西北瀆
醴水二合而東歷一一山 明一統志一一山在鳳翔
府岐山縣
北三十里

五威

漢書諸侯王表分遣一一之吏馳傳天下 又王
莽傳使節之旄幡皆純黃其署曰新使一一節以

承皇天上
帝威命也

五戎

禮記月令季秋之月是月也天子乃教於田獵以習——班馬政注——謂五兵弓矢及矛戟也

歲華紀麗蜡百神於南郊習——於北面又詩疏

見五狄下周禮職方氏掌天下之圖以掌天下之地

辨其邦國都鄙四夷八蠻七閩九貉——六狄之人民

與其財用九穀六畜之數要周知其利害楊炯送劉

校書從軍詩見三宮下張九齡奉和聖製送尚

書燕國公赴朔方詩聞風六郡伏計日——平

五校

戰國策昭王既息民繕兵復欲伐趙武安君曰不可王曰寡人既以興師矣乃使——大夫王陵將

而伐趙陵戰失利亡——漢書昭帝紀孝文廟正殿

火發中二千石將——作治注率領——之士以作治

也晉書哀帝紀見三將下宋書武帝紀復置——

三將官陳書武帝紀晉之——鳴笳啓途漢之九卿

傳呼並迺

南史李安人傳見三將下

李端送古之

奇赴安西幕詩疇昔十年兄相逢——營

席豫江行

紀事詩山盡千旗

出郊平——分

五師

周禮小司徒見四兩下

五軍

左傳僖公三十一年秋晉蒐于清原作——以禦狄趙衰為卿注二十八年晉作三行今罷之更為

上下新軍

宋史職官志建炎三年詔御營使司止管

行在——營砦事務其餘應干邊防措置等事釐正歸

之省樞密

又兵志元豐六年熙河路經畧制置李憲

言本路雖有九將之名其實數目多闕緩急不給驅使

若將本路九將并為——各定立——將副及都同總

領蕃兵將使正兵合漢弓箭手自為一軍其蕃兵亦各

自為一軍臨敵之際首用蕃兵繼以漢兵必有成效

水經淇水出河內隆慮縣西大號山注頓丘在淇水南

魏徙九原西河出軍諸胡置——於邛側故其名亦曰
——也韓愈平淮西碑曰文通汝守壽維是宣武淮
南宣歙浙西徐泗——之行於壽者汝皆
將之陶翰出蕭關懷古詩見三策下

五坊

唐書文宗紀帝即位縱——鷹犬又百官志閑
廐使押——以供時狩一曰鵬坊二曰鶡坊三曰

鷄坊

四曰鷹坊五曰狗坊

宋史禮志太祖建隆二年

始校獵於近郊先出禁軍為圍場——以鷲禽細犬從

帝親射走兔三

韓愈順宗實錄貞元末——小兒張

捕鳥雀於閭里皆為暴橫以取錢物上在春宮時洞知

其弊常欲奏禁之至即位即推而行之人情大悅和

凝宮詞先遣——排獵騎為民除害出神京馬祖常

和王左司竹枝詞——戲馬賽爭道傳聲催賜十流銀

又寄上京胡安常諸公詩——戲馬春旗合百隊回

龍曉仗朝薩都刺早發黃河即事詩鬪雞——市酣

歌醉高樓宋濂秦宮謠——小兒騎駿馬翠娥綵女

鷩花

五仗

唐書儀衛志凡朝會之仗三衛番上分為一一號衙內五衛一曰供奉仗以左右衛為之二曰親仗

以親衛為之三曰勳仗以勳衛為之四曰翊仗以翊衛為之皆服鷩冠緋衫袂五曰散手仗以親勳翊衛為之服緋絕襴襠繡野馬皆帶刀捉仗立坐於東西廊下宋史儀衛志次一一左右衛供奉中郎將各二人親勳翊衛各二十四人左右衛郎將各一人散手翊衛各三十人左右衛郎將各一人翊衛各二十八人

五旅

周禮小司徒見四兩下李靖問對管子制齊之法亦由司馬法一師一一旅五卒之義焉其實

皆得太公之遺法

五候

左傳明其伍候注使民有部伍相為候望疏晉服王董皆作一一賈逵云一一五方之候也敬授民

時四方中央之候王云——山候林候澤候川候平地
候也董云——候四方及國中之姦謀也杜作伍候故
云使民有部伍相為候望彼諸
本蓋以上多云四故誤為五也

五卒

周禮小司徒見四兩下
李靖問對見五旅下

五伍

周禮小司徒見四兩下
宋史兵志見二隊下

五火

唐書百官志凡工匠以州縣為團五人為火——
置長一人又兵志十人為火——為團皆有首

長又素問夫一水不勝——故目皆盲是以氣衝風
泣下而不止又孫武子凡火攻有五——火入二火積
三火輜四火庫五火隊
凡軍必知——之變

五隊

五代史史建瑋傳梁軍已破棗彊存審扼下博橋
建瑋分其麾下五百騎為——一之衡水一之南

宮一之信都一之阜城而自將其一約各
取梁葛牧者十人 宋史兵志見二隊下

五營

後漢書順帝紀調一一弩師郡舉五人令教習戰射注一一五校也謂長水步兵射聲胡騎車騎等

五校尉也劉攽曰百官志有屯騎越騎當改胡作屯車作越 又禮儀志注東京賦注曰衛士千人在端門外

一一千騎在衛士外三部更送至雒水凡三輩逐鬼投雒水中仍上天池絕其橋梁使不得度還 宋書禮志

領軍護軍城門一一校尉東南西北中郎將銀印青綬給五時朝服武冠佩水蒼玉 又州郡志義安義招令

晉安帝義熙九年以東宮一一立 隋書虞世基傳選羽林於六郡詔蹶張於一一 漢官儀大駕鹵簿一一

校尉在前名曰填衛 梁簡文帝南郊頌石鎧犀衣之士連七萃而雲屯珠旗白羽之兵亘一一而星列 顏

延之赭白馬賦見八鑒下 劉孝威行還值雨又為清道所駐詩八舍便繁密一一輿服光 盧照鄰中和樂

——屯北地萬乘出西河 席豫奉和聖製送張說巡
邊詩——將月合八陣與雲連 韓翃梁城贈一二同
幕詩——河畔列星旗吹角鳴鼙日暮時 韓愈送李
尚書赴襄陽詩——兵轉肅千里地還方 戴叔倫酬
盧端公飲後贈諸公見示詩佐幕臨戎旌旆間——無
事萬家閑 楊巨源贈史開府詩見一劒下 薛能題
大雲寺西閣
詩見四野下

五紮

金史兵志
見二部下

五部

公羊傳注見四輩下
以湟中地廣更增置屯田——并為十部

後漢書西羌傳陽嘉元年
又東

夷傳注按今高驪——一曰內部一名黃部即桂婁部
也二曰北部一名後部即絕奴部也三曰東部一名左
部即順奴部也四曰南部一名前部即灌奴部也五曰
西部一名右部即消奴部也 晉書劉元海載記魏武

分其衆為一一太康中改置都尉劉氏雖分居一一然
皆家居晉陽汾澗之濱魏志公孫淵傳淵令官屬上
書曰七營虎士一一蠻夷各懷素飽不謀同心奮臂大
呼排門遁出又晉書傳元傳今謂者一人之力行天
下諸水無時得遍伏見河堤謂者車誼不知水勢轉為
他職更還知水者代之可分為一一使各精其方宜
北史百濟國傳見五巷下元史太祖紀我征朶魯班
塔塔兒哈答斤散只兀弘吉剌一一如海東鷺禽之於
鵝雁見無不獲武元衡述次江陵界寄裴尚書詩一
一擁雙旌南依墨客卿王惲過劉元海陵寢詩吹噓
炎燼餘一一來謳吟又史記歷書蓋聞昔者黃帝合
而不死名察度驗定清濁起一一建氣物分數注應劭
曰一一金木水火土也又南史宋明帝紀泰始六年
九月戊寅立總明觀徵學士以充之置東觀祭酒訪舉
各一人舉士二十人分為儒道文史陰陽一一學言陰
陽者遂無其人戴叔倫送嵩律師頭陀寺詩相傳一

一學更有一人成 又南史戴顓傳見一部下 唐書
儀衛志凡鼓吹——一鼓吹二羽葆三鐃吹四大橫吹
五小橫吹總七十五曲鼓吹部柶鼓十曲大鼓十五曲
小鼓九曲長鳴一曲中鳴一曲羽葆部十八曲鐃吹部
七曲大橫吹部二十四曲小橫吹部曲名失傳 又開
見錄賈黃中年七歲以童子舉及第李文公昉贈之詩
曰七歲神童古所難賈家門戶有衣冠
十人科第排頭上——經書誦舌端

五聖

小學紺珠見七輔下 又黃帝三公風后配上台
天老配中台——配下台 又——堯舜禹湯周

文王

彭朝曦勤政樓視朔觀雲物賦方將揚耿光於
——布深仁於萬國 杜甫詩——聯龍袞千官列雁

行

五賢

晉語知宣子將以瑤為後知果曰瑤之賢于人者
五其不逮者一美鬚長大則賢射御足力則賢伎

藝畢給則賢巧文辯惠則賢彊毅果敢則賢如是而甚
不仁以其——陵人而以不仁行之其誰能待之 又
宋史胡憲傳方憲之以館職召也適秦檜諱言之後憲
與王十朋馮方查簫李浩相繼論事太學生為——詩
以歌之 小學紺珠——陶潛劉渙李常劉恕陳瓘
又——孟軻荀卿揚雄王通韓愈 明一統志——祠
在漳州府學前舊為三賢堂祀常袞歐陽詹周匡物後
又並以蔡襄高登為—— 又——祠在廬州府學元
建祀宋包拯馬亮王希呂正德初增祀漢文翁元余闕
為——祠 又——祠在處州府學明倫堂東初祀宋
孫沔黃葆光吳戴後增王之望王公信為——祠 又
——堂在臨江府學講堂西——宋劉敞攸孔文仲武
仲平仲所謂二劉三孔也 又——祠在平樂府學東
宋守王光祖建以祀梅摯鄒浩孫直菴徐正柴肅 又
——堂在揚州府泰州舊光孝寺內祀張綸范仲淹富
弼胡瑗王覲 又——祠在滁州琅琊山——宋守王

禹偁歐陽修張方平曾肇蘇軾也 孫綽聘士徐君墓
頌昂昂——赫赫八俊 劉琨重贈盧諶詩見二伯下

元稹五絃彈詩見三光下 王逢奉寄趙伯器
參政尹時中員外詩——迷古轍六詠歇新慶

五雋 晉書薛蕙傳蕙清素有器宇少與同郡紀瞻廣
陵閔鴻吳郡顧榮會稽賀循齊名號為——

五友 明一統志——亭在順慶府南充縣南宋游炳題
云明月清風為道友古典今文為義友孤雲野鶴

為自來友怪石流水為娛樂友山果橡栗為相保友是
——者無須臾不在此間也 又——堂在肇慶府封

州縣 西宋封守沈清臣建并記
取風花雪月與已為——而名

五竇 小學紺珠——竇常年羣庠羣
又——竇禹鈞五子儀儼侃偁僖

五荀 小學紺珠——方五陳荀淑方陳寔荀靖方
陳謚荀爽方陳紀荀彧方陳群荀顗方陳泰

五陳

小學紺珠見上

五張

謝廷讚西千寺記唐以經藏命寺蓋從陝州一寺經藏碑得名耳碑文出庾子山之筆南陽張

元高五子同居共捨為寺

伽藍肇建即以一一為名

五觀

漢書古今人表太康兄弟五人號一一北史王劭傳見三監下水經注淇水又北逕頓丘縣故

城西古文尚書以為觀地矣蓋太康弟五君之號曰一

一者也又衛國有觀土國語曰啓有一一謂之姦子

一一蓋其名也所處之邑其名曰觀皇甫

謚曰衛也又張率舞馬賦見三毛下

五樓

晉書慕容超載記尚書都令史王儼諂事一一遷尚書郎出為濟南太守入為尚書左丞時人為之

語欲得侯事一一按一一姓公孫又唐書德宗紀貞

元十六年七月丙寅韓全義及吳少誠戰于一一敗績

又韓全義傳遇賊廣利城既戰師皆潰退保——
賊移屯逼之陸雲失題詩自頃西徂合於——

五斟

路史——本出已姓形聲轉繆而遂為
如故史記以斟戈尋為夏禹後非也

五逢

漢書陳勝傳陳銍人——將兵居許章邯擊破之
又戴叔倫少女生日感懷詩——晬日今方見

置爾懷中自惘然白居易洛中春游

呈諸親友詩府中三遇臘洛下——春

五伯

後漢書鄧彪傳鄧彪字智伯南陽新野人注東觀
記曰彪與同郡宗武伯翟敬伯陳綏伯張弟伯同

志好齊名南

陽號曰——

五老

宋書符瑞志堯歸功於舜將以天下禪之乃潔齋
修壇場于河雒擇良日率舜等升首山遵河渚有

——游焉蓋五星之精也相謂曰河圖將來告帝以期
知我者重瞳黃姚——因飛為流星上入昴拾遺記

孔子生有——列于徵在之庭則五星之精也——又夫子未生二龍繞室——降庭——任昉齊宣德皇后令——游河飛星入昴——駱賓王請陪封禪表河浮——啓赤文于帝期海薦四神奉丹書于王會——楊素贈薛播州詩霧生三日重星飛——輕——駱賓王晚泊河曲詩水淨千年近星飛——遙——崔國輔九日侍宴應制詩金籙三清降瓊筵——巡——又撫言杜德詳放榜劉松等五人年俱七十餘時謂——榜——聞見錄至和中杜祁公衍八十七王禮侍渙九十七畢農卿世長九十四兵部朱貫八十八始平馮公八十七優游鄉梓為睢陽——會賦詩訓唱錢明逸序之——齊東野語耆英會至和——杜衍王渙畢世長朱貫馮平——小學紺珠西京——文潞公范景仁張仲弼史中輝劉伯壽——宣和畫譜見四暢下——明一統志——堂在歸德府城內宋太子少師杜衍居睢陽時用唐白樂天香山九老故事作——堂賦詩訓唱時人形于繪像——白居易移山櫻桃詩

上佐近來多——少應四度見花開 雷淵贈答麻信
之詩——英靈未陸沈一枝高秀出詞林 又雲笈七

籤玉根者王清天中山名也乃——上真之所治 又

元始命太真按筆玉妃拂筵鑄金為簡刻書玉篇——

掌籙祕于九靈仙都之宮 程鉅夫摸魚兒詞春幾許

向——仙家移下瓊瑤樹 又廬山記棲賢寺東北有

——峰廬山之勝此為最者 周必大廬山錄庚申登

採訪使者閣望——峰記言漢武築羽章館於屏風臺

下臨相思澗今——之峰疊石如屏幃蓋其故里自閣

而望相去若在百步間廬阜之甲觀也 明一統志——

——山在平陽府臨晉縣西南五里接中條山 又——

山在靖州城東五峰相連 又吉安府形勝五峰相次

頗類—— 又——亭在饒州府芝山之巔因宋范仲

淹詩有——夕陽開之句故名 胡儼滕王閣賦見九

江下 岑參送薛弁歸河東詩薛侯故鄉處——峰西

頭 李白登廬山——峰詩廬山東南——峰青天削

出金芙蓉

盧綸

過終南柳處士詩——正相尋圍碁

到煮金

李端

贈廬山

真上人詩青草湖中看——白

雲山上宿雙林

裴說寄僧尚顏詩曾居——峯所得

共誰同

白居易題元十八溪亭詩見君——峯並悔

居城市

張籍送晁師詩九星臺下煎茶別——峯頭

覓寺居

賈島送陝府王建司馬詩見三門下

又鹽

池院觀鹿詩條封——勢相連此鹿來從若箇邊

趙

蝦贈——韓尊師詩住山道士年如鶴應識當時——

人

王逢宴周左丞伯溫館舍詩見二孤下

李中送

廬阜僧歸山陽詩瓶貯瀑泉離——錫搖江雨上孤舟

韋丹思歸寄東林漱上人詩已為平子歸休計——

巖前必共聞

徐凝

廬山獨夜詩見九江下

琴客詩曾攜——峰前過幾向雙松石上彈

蘇軾觀

碁詩——峰前白鶴遺趾長松蔭庭風日清美

又書

白石山房詩偶尋流水上崔嵬——蒼顏一笑開

蘇

轍題南康太守宅——亭詩——高閑不入城開軒肯

就使君迎 張耒離富池望廬岳詩舟憶長江逢峽石
眼明——立雲頭 朱松雜詩不向九江看——故應
猶未是詩人 陸游夢中送廬山道人歸山詩平生不
到三公府晚歲歸來——菴 虞集寫廬山圖上詩憶
昔繫船桑落洲

前——當船頭

五更

禮記文王世子見三老下 又樂記見三老下
漢書禮樂志顯宗宗祀光武皇帝於明堂養三老

——於辟雍威儀既盛美矣 後漢書明帝紀永元二

年冬十月壬子幸辟雍行養老禮詔曰今月元旦復踐

辟雍尊事三老父事—— 又三老李躬年耆學明——

——桓榮授朕尚書其賜榮爵闕內侯三老——皆以二

千石祿養終厥身 晉書段灼傳昔明王聖主無不養

老老人衆多未必皆賢不可悉養故父事三老所以明

孝宗事——所以明敬 又桓彝傳彝字茂倫漢——

榮之九世孫也 宋書禮志見三老下 魏書游明根

傳高祖幸鄴明根朝于行宮詔曰游——光素蓬簷歸
終衡里可謂朝之舊德國之老成續漢志養三老——

——先吉日司徒上太傅若講師故三公人名用其德行
年耆高者三公一人為三老次卿一人為——孝經

援神契尊三老者父象也——寵以度宋均注三老老
人知天地人事者——老人知——行——代之事者度法

也度以寵異之也白虎通——者欲言其明於——行
之道而——事也漢官儀三老——皆取有首妻男女

皆具小學紺珠見三老下鮑溶辭輦行——三老
侍白日八十一女居深宮韓偓贈吳顛尊師詩議論

通三教年頗稱——又宋史律厯志見二更下又
五行志見一汴下又樂志星影疎動與天流漏盡——

——籌漢儀夜漏起中黃門持五夜甲夜畢傳乙乙夜
畢傳丙丙夜畢傳丁丁夜畢傳戊戊夜畢是為——

吳永叔除寶章閣直學士知寧國府到任謝表千里佩
符雖對斗疊旌旗之色——聽漏尚思神京鐘鼓之音

伏知道從軍——轉詩——催送籌曉色映山頭

李白雨後望月詩為惜如團扇長吟在——杜甫書

堂飲既夜復邀李尚書下馬月下賦絕句久判野鶴如

雙髻遮莫鄰雞下——又閨夜詩見三峽下又至

日遣興詩見三點下嚴維湘中有懷詩還家萬里夢

為客——愁盧綸偶宿山中憶暢當詩見三卷下

顧況洛陽早春詩見一家下王建宮詞——三點索

金車盡放宮人出看花又自是桃花貪結子錯教人

恨——風又霓裳詞見一山下元稹宿石磯詩燈

暗酒醒顛倒枕——斜月入空船史清應詔賦得除

夜詩見一夜下李商隱留贈畏之詩——又欲向何

處騎馬出門烏夜啼又無題詩來是空言去絕踪月

斜樓上——鐘又代應詩溝水分流西復東九秋霜

月——風溫庭筠經李徵君故居詩一院落花無客

醉——殘月有鶯啼李洞顏上人房詩松下度三伏

磬中銷——鄭谷及第後宿平康里詩好是——殘

酒醒時時聞喚狀頭聲

聶夷中送友人歸江南詩皇

州一鼓月落西南維

司空圖樂府絕句一窗下

簇妝臺已怕堂前阿母催

曹松江外除夜詩半夜臘

因風卷去一春被角吹來

皮日休醉中呈魯望詩

十里尋山為思役一看月是情差

黃滔二月二日

宴中貽同年封先輩渭詩桂苑一聽榜後蓬山二月

看花開

无則百舌詩長截鄰雞叫一數般名字百

般聲

韓熙載客詩最是留不住向人枕畔著衣

裳王禹偁一睡詩左宦離雙闕高眠盡一梅

堯臣夢後寄歐陽永叔詩見一城下蘇軾江月詩一

山吐月窗迴室幽幽又徐使君分新火詩黃州使

君憐久病分我一紅一朶黃庭堅思親汝州作見

一日下晁補之外舅杜寺丞永城守水詩莫唱龍舟

一曲揚州楊柳解愁人楊萬里夜寒獨覺詩脚到

一一偏作冷老來萬事不如人范成大客中呈幼度

詩見三面下陸游暮春詩無情一一雨便送一年春

方回次韻仇仁近至日詩紫邏招魂千里雪彤庭待
漏——霜元好問寄女岩詩竹馬幾時迎阿姊——
教誦木

蘭篇

五叟

蔡邕月令問答問記曰三老五更予獨曰——何
也曰字誤也叟長老之稱其字于更字相似書者

轉誤遂
以為更

五翁

李洞秋宿梓州牛頭寺詩
靜增雙闕念高並——遊

五皓

顏氏家訓凡避諱者皆須得其同訓以代換之桓
公名白傳有——之稱厲王名長琴有修短之目

不聞謂布帛為布皓

呼腎腸為腎修也

五士

詩序菁菁者義樂育材也君子能長育人材則天
下喜樂之矣箋樂育材者歌樂人君教學國人秀

士選士俊士造士進士養之以漸至于官之疏其養
成為此——是長育人材也 左傳注見五人下

五隱

庾信隱士詩洛陽徵——東都別二賢按後漢書
逸民傳論光武側席幽人而薛方逢萌聘而不肯

至嚴光周黨王

霸至而不能屈

五人

書五子之歌厥弟——御其母以從僕于洛之汭
五子咸怨述大禹之戒以作歌 詩序牆有茨衛

人刺其上也公子頑通乎君母國人疾之而不可道也
箋宣公卒惠公幼其庶兄頑烝于惠公之母生子——
齊子戴公文公宋桓夫人許穆夫人 禮記曲禮羣居

——則長者必異席注席以四人為節因宜有所尊疏

古者地數橫席而容四人四人則推長者居席端若有

——會應一人別席因推長者一人於異席也 又王

制下農夫食——又檀弓石駘仲卒無適子有庶子

六人卜所以為後者曰沐浴佩玉則兆——者皆沐浴

佩玉石祁子曰孰有執親之喪而沐浴佩玉者乎不沐浴佩玉石祁子兆衛人以邇為有知也 論語舜有臣

一一而天下治 左傳我先君文公狐季姬之子也

生十七年有士一一有先大夫子餘子犯以為腹心有

魏犢賈佗以為股肱注狐偃趙衰顛頡魏武子司空季

子五士從出稱一一而說四士賈佗又不在本數蓋叔

向所賢 又秦伯納女一一懷嬴與焉 又初共王無

冢適有寵子一一無適立焉乃大有事于羣望而祈曰

請神擇于一一者使主社稷乃徧以璧見于羣望曰當

璧而拜者神所立也誰敢違之既乃與巴姬密埋璧於

大室之庭使一一齊而長入拜康王跨之靈王肘加焉

子干子皙皆遠之平王弱抱而入再拜皆壓紐 周禮

小司徒見四兩下 又見二人下 又大司馬凡令賦

以地與民制之中地食者半其民可用者二家一一

孟子他日見於王曰王之為都者臣知一一焉知其罪

者惟孔距心為王誦之 又孟獻子百乘之家也有友

——馬樂正裘牧仲其三人則予忘之矣 史記秦本紀秦仲立二十三年死于戎有子——其長者曰莊公周宣王乃召莊公昆弟——與兵七千人使伐西戎破之於是復予秦仲後為西垂大夫 又外戚世家衛氏枝屬以軍功起家——為侯 宋史食貨志今荒田甚多當聽百姓請射其有闕耕牛者宜用人耕之法以二人曳一犂凡授田——為甲別給蔬地五畝為廬舍場圃兵屯以大使臣主之民屯以縣令主之 呂覽昭王曰孟嘗君之好士何如公孫弘對曰義不臣乎天子不友乎諸侯得意則慙為人君不得意則不肖為人臣如此者三人能治可為管商之師說義聽行其能致主霸王如此者——萬乘之嚴主辱其使者退而自刎也必以其血汚其衣有如臣者七人 老子中經膽神——太一道君也居紫房宮乘五彩元黃紫蓋珠玉雲氣之車驂駕六飛龍從官三千六百人 又脾神——元光玉女子丹母也乘黃金珠玉雲氣之車驂駕鳳凰或乘

黃龍從官三千六百 小學紺珠盛德——富文忠司
馬文正趙清獻范忠文張文定 又卓行——元德秀
權皋甄濟陽城司空圖 武元衡送張諫議詩漢庭從
事——來回首疆場獨未回 蘇軾與秦太虛參寥會
于松江而闌彥長徐安中適至詩絕境自忘千里遠勝
游難復——同 又次韻林子中王彥祖倡訓詩見三
下世

五客

小學紺珠——閑客
雪客仙客南客隴客

五丁

晉書石季龍載記見四丁下 宋史食貨志見十
丁下 又兵志見二丁下 又陳書徐陵傳近者

邵陵王通和此國郢中上客雲聚魏都鄴下名卿風馳
江浦豈盧龍之徑於彼新開銅駝之街於我長閑何彼
途甚易非勞於——我路為難如登於九折 唐書陳
子昂傳昔蜀與中國不通秦以金牛美女啖蜀侯侯使

——力士棧褒斜鑿通谷迎秦之饋秦隨以兵而地入
中州也 水經注本蜀論云秦惠王欲伐蜀而不知道
作五石牛以金置尾下言能尿金蜀王負力令——引
之成道因曰石牛道 五色線蜀王本紀天為蜀王生
——力士能徙山秦王獻美女于蜀王王遣——迎女
見一大蛇入山穴中——共引蛇山崩壓殺——化為
石也 明一統志——廟在保寧府梓潼縣北十二里
相傳——力士開劍路迎秦女拔蛇山摧——與秦女
俱斃于此後人立廟祀之 何遜七名見二子下 唐
肅日觀賦若鏹——若戴六鼇 駱賓王疇昔篇——
卓犖多奇力四士英靈富文藝 又鄭安陽入蜀詩劍
門千仞起石路——開 李嶠牛詩不用——士如何
九折通 王維燕子龕禪師詩伯禹訪未知——愁不
鑿 杜甫橋陵詩即事壯重險論功超——元稹望
雲驢馬歌七聖心迷運方厄——力盡路猶窄 白居易
易太湖石詩見一葦下 張祜讀狄梁公傳詩見一柱

下 雍陶蜀中戰後感事詩見四子下 胡曾金牛驛

詩——不鑿金牛路秦惠何由得并吞 李山甫蜀中

寓懷詩千里煙霞錦水頭——開得也風流 陸龜蒙

寄淮南鄭寶書記詩見二酉下 麻九疇跋范寬秦川

圖詩黃金鑄牛西入夔——雲棧通中國 楊維禎小

姑謠——一夜發郿塢官籍黃金官估賣 又易林六

甲無子以喪其戌——不

親庚失曾孫癸走出門

五工 左傳五雉為——正利器用正度量夷民者也疏

賈逵云西方曰鷩雉攻木之工也東方曰鷩雉搏

埴之工也南方曰翟雉攻金之工也北方曰鷮雉

攻皮之工也伊洛而南曰翬雉設五色之工也

五夫 唐書李叔明傳見一僧下 宋史食貨志元豐四

年河東轉運司調夫萬一千人隨軍坊郭上戶有

差夫四百人者其次一二百人願出驢者三驢當——

五驢別差一夫驅喝一夫雇直約三十千以上一驢約

千八

五民

史記貨殖傳洛陽東賈齊魯南賈梁楚其中具一而鄒魯濱洙泗猶有周公遺風注服虔曰士農

工商賈也如淳曰游子樂其俗不復歸故有一方之一

宋書符瑞志四海既穆一一樂業思述汾陽經始靈

園宋史王禹偁傳古者惟有四民兵不在其數蓋古

者耕田之法農即兵也自秦以來戰士不服農業是四

民之外又生一民故農益困然執干戈衛社稷理不可

去漢明之後佛法流入中國度人修寺歷代增加不蠶

而衣不耕而食是一一之外又並一而為六矣商子

重刑而連其罪則褊急之民不鬪狼剛之民不訟怠惰

之民不游費資之民不作巧諛惡民之心

無變也一一者不生於境內則草必壅矣

五衆

禮記曲禮見五官下梁武帝喻

夢詩甘寢隨四生蓋睡依一一

五輩

史記王翦傳王翦既至闕使使還請善田者——
注謂使者五度請也唐書裴行儉傳先是嗣業

饋糧數為虜劫軍餒死行儉曰以謀制敵可也因詐為
糧車三百乘車伏壯士——齎陌刀勁弩以羸兵挽進
又伏精兵踵其後敵果掠車羸兵走險賊驅就水草解
鞍牧馬方取糧車中而壯士突出伏兵至殺獲幾盡自
是糧車無敢近者又張薦傳真卿為李希烈所拘
遣兄子峴及家僕奏事——皆留內客省不得出

五郎

唐書宋璟傳嘗宴朝堂二張列卿三品璟階六品
居下易之諂事璟虛位揖曰公第一人何下坐璟

曰才劣品卑卿謂第一何耶是時朝廷以易之等內寵
不名其官呼易之——昌宗六郎鄭善果謂璟曰公奈
何謂——為卿璟曰以官正當為卿君非其家奴何郎
之云又張易之傳昌宗與不旬日貴震天下諸武兄
弟及宗楚客等爭造其門伺望顏色親執轡箠號易之
——昌宗六郎又李輔國傳出則介士三百人為衛

貴幸至不敢斥官呼——宋史杜生傳杜

生者潁昌人不知其名縣人呼為杜——

五祖 正宗紀——弘忍大師黃梅人先為破

頭山栽松行者化後復生遇四祖得度

五舅 晉書慕容皝載記成帝闇弱不能自立內

惑艷妻外恣——卒令王莽坐取帝位

五叔 左傳武王之母弟八人周公為太宰康叔為司寇

聃季為司空——無官豈尚年哉 史記管蔡世

家於是周公言於成王復封胡於蔡是

為蔡仲餘——皆就國無為天子吏者

五哥 唐書宰相世系表安東王氏本阿布思之族世隸

東安都護府曰——之左武衛將軍生末怛活

五弟 魏知古從獵渭川詩嘗

聞夏太康——訓禽荒

五妹 夏侯湛昆弟誥用緝和

我七子訓諧我——

五子

書——之歌見五人下 左傳范臯夷無寵于范吉射而欲為亂于范氏梁嬰父嬖于知文子文子

欲以為卿韓簡子與中行文子相惡魏襄子亦與范昭子相惡故——謀將逐荀寅而以梁嬰父代之逐范吉射而以范臯夷代之冬十一月荀躒韓不信魏曼多奉公以伐范氏中行氏 韓非子今人有——不為多子又有——大父未死而有二十五孫是以人民衆而貨財寡事力勞而供養薄故民爭 呂覽管子復於桓公曰墾田大邑辟土藝粟盡地力之利臣不若甯邀請置以為大田登降辭讓進退閑習臣不若隰朋請置以為大行蚤入宴出犯君顏色進諫必忠不辟死亡不重富貴臣不如東郭牙請置以為大諫臣平原廣城車不結軌士不旋踵鼓之三軍之士視死如歸臣不若王子城父請置以為大司馬決獄折中不殺不辜不誣無罪臣不若弦章請置以為大理君若欲治國彊兵則——足矣君欲霸王則夷吾在此桓公曰善令——皆任其事

以受令於管子易林濟深難渡濡我衣袴——善擢

脫無他故小學紺珠秦——由余百里奚蹇叔丕豹

公孫支又齊——管夷吾甯戚隰朋賓胥無鮑叔牙

又李楷——散為東祖芬與弟勁共稱西祖輯與弟

晃共稱南祖離騷不顧難以圖後兮——用失乎家

巷韓愈送孟東野序夏之時——以其歌鳴蔡邕

述行賦悼太康之失位兮愍——之歌聲左延年從

軍行——遠鬪去五婦皆懷身周曇太康詩酒酣禽

色方為樂詎肯閑聽——歌徐夔客廳廳詩豐蔀仲尼

明演易作歌——恨雕牆又漢書律歷志日有六甲

辰有——注六甲之中惟甲寅無子故曰——又藝

文志古——十八篇注自甲子至壬子說易陰陽又

齊書沈文季傳尤善箠及彈碁用——齊民要術

裴淵廣州記曰——樹實如梨表有五核因名——治

霍亂金瘡明一統志潮州府土產——樹又——

山在保寧府劍州西北五十里五峰奇秀如拱立然

五男

詩何彼穠矣序疏見二女下周禮職方氏見二

女下

漢書陸賈傳賈有一

迺出所使越橐中

裝賣千金分其子子二百金令為生產賈乘安車駟馬

從歌鼓瑟侍者十人寶劍直百金謂其子曰與女約過

女女給人馬酒食極飲十日而更所死家得寶劍車騎

侍從者晉書樂廣傳見一女下北史隋宗室傳蔡

景王整子智積端坐讀書門無私謁或勸為產業智積

曰昔平原露朽財物苦其多也吾幸無所露何更營乎

有止教讀論語孝經而已西京雜記梁孝王入

朝與上為家人之讎乃問王諸子王頓首謝曰有一

即拜為列侯賜與衣裳器服陶潛責子詩雖有一

兒總不好紙筆裴迪春日與王右丞過新昌里訪呂

逸人不遇詩見三徑下白居易訪陶公舊宅詩先生

有與之同飢寒腸中食不充身上衣不完又泉

志永安錢舊譜曰徑二寸三分重十八銖厚一分

上下輪郭之間皆作粟文面上四出文文曰又

見二女下 又東京夢華錄凡孕婦八月父母家以盆盛粟稗一束上以錦繡或生色帕覆蓋之上插花朵及通草帖羅一一二女花樣用盤合裝送饅頭謂之分痛

五女

周禮職方氏見二男下淳于公有罪當刑詔獄逮繫長安淳于公無男有

漢書刑法志齊太倉令

一一當行會逮罵其女曰生子不生男緩急非有益也後漢書戴良傳初良一一並賢每有求姻輒便許嫁

練裳布被竹筍木屐以遣之

水經注梓潼縣有一

蜀王遣五丁迎之至此見大蛇入山穴五丁引之山崩

壓五丁及一一因是山為五婦山馳水所出一曰五婦

水亦曰潼水也 又沂水南逕東安縣故城東而南合

時密水沂水又南桑泉水北出一山 又沔水北岸

數里有大石激名曰一一激 明一統志一一墓在東

昌府聊城縣治西相傳郡人無子惟女五人誓不適人

孝養父母後卒同穴而葬金李佐時贊曰孝哉一一踰

年弗嫁甘旨奉親溫清冬夏風樹旣悲白華亦謝墓可封哉永淳俗化又——墓在大名府開州臨河廢縣

西三十里漢太倉令淳于意無子有——意卒——葬之于此墓高五丈王績獨坐詩見三男下王建宋

氏——詩——誓終養貞孝內自持自注貝州宋處士庭芬有——若華若昭若倫若憲若茵裴潁前相國

贊皇公詩——
乍鼓玉華獨踊

五孫易林——季子相與孝弟明允篤誠升擢薦舉為國藩輔

五幼管子見四幼下

五婦蜀紀梓潼縣有——山昔秦王獻五美女于蜀王蜀遣五丁迎之至此見大蛇入山室中五丁引蛇

大呼山崩五女上山皆化為石水經注見五女下梁簡文帝蜀國絃歌篇——行難至百兩好游娛徐

陵美人山銘峯因

——石有三侯

五從

金史統石烈良弼傳世宗謂良弼曰——以
上宗室在省祇候者才有可用具名聞奏

五宗

史記太史公自序——既王親屬協和後漢書
楊震傳見二祖下又袁紹傳爵賞由心刑戮在

口所愛光——所怨滅三族注——上至高祖
下及孫又小學紺珠——大宗一小宗四

五族

周禮大司徒見五家下左傳初子駟為田洳司
氏堵氏侯氏子師氏皆喪田焉故——聚群不逞

之人因公子之徒以作亂漢書食貨志五家為鄰五
鄰為里四里為族——為黨又王溫舒傳古有三族

而王溫舒罪至同時而——乎注溫舒與弟同三族而
兩妻家各一故為五也後漢書東夷傳高句驪凡有

——有消奴部絕奴部順奴部灌奴部桂婁部南史
后妃傳序明帝泰始二年以婕妤容華充華承徽列榮

凡——亞九嬪 唐書沙陀傳贊是時提兵託勤王者
——然卒亡朱氏為唐滌耻者沙陀也 宋史兵志見

一族下

王禹偁一品孫鄭昱詩——不力穡終歲飽
且溫 朱子齋居感興詩西園植姦穢——沈忠良

五屬

詩言告師氏傳祖廟未毀教于公宮三月疏昏禮
文也彼注云祖廟女高祖為君者之廟以有總麻

之親就尊者之宮教之則祖廟未毀與天子諸侯共高
祖者則在天子諸侯女宮中教之三月知在女宮者以
莊元年公羊傳曰群公子之舍則以卑矣是諸侯之女
有別宮矣明——之內女就教可知 漢書韋元成傳
告謝毀廟曰往者大臣以為在昔帝王承祖宗之休典
取象於天地天序五行入親——天子奉天故率其意
而尊其制是以禘嘗之序靡有過五師古曰——謂同
族之五服斬衰齊衰大功小功總麻也 後漢書黨錮
傳論又詔州郡更考黨人門生故吏父子兄弟其在位
者免官禁錮爰及——又齊語——故立五大夫各

使治一屬焉 管子五鄉之師——大夫皆身習憲於
君前 小學紺珠——十連五國以為屬屬有長十國
以為連連有帥 又祕書——修纂日歷則著作郎佐
郎主之刊寫集賢院史館昭文館祕閣圖籍則祕書郎
主之編校正誤則校書郎正字主之 又周禮考工記
函人為甲犀甲七屬兕甲六屬合甲——注屬讀如灌
注之注謂上旅下
旅札續之數也

五姓

漢書高帝紀徙齊楚大族昭氏屈氏景氏懷氏田
氏——關中與利田宅 又王莽傳姚嬌陳田王

氏凡——者皆黃虞苗裔予之同族也其令天下上此
——名籍于秩宗皆以為宗室世世復無有所與 後
漢書西南夷傳巴郡南郡蠻本有——巴氏樊氏暉氏
相氏鄭氏皆出於武落鍾離山 唐書柳沖傳見四姓
下 又黃巢等傳贊天將去唐諸盜並出歷——兵未
嘗少解至宋然後天下復安 宋史儀衛志國朝承——

一荒殘之弊事從簡略每鳴鑾游豫盡去戈戟旌旗之制儀衛寡薄頗同藩鎮又黔涪徼外夷傳宋初以來有龍蕃方蕃張蕃石蕃羅蕃者號一一蕃皆常奉職貢受爵命水經注昔巴蠻一一未有君長俱事鬼神乃共擲劍于石穴約能中者奉以為君小學紺珠南都一一杜正獻趙康靖王文忠蔡敏肅張文定又北史王劼傳坤靈圖曰泰姓商名宮黃色長八尺六十世河龍以正月辰見白龍與五黑龍鬪白龍陵故秦人有命謹案此言皆為大隋而發也姓商者皇家於一一為商也名宮者武元皇帝諱於五聲為宮唐書呂才傳殷周時有卜擇之文詩稱相其陰陽書卜洛食近世乃有一一謂宮也商也角也徵也羽也以天下萬物悉配屬之以處吉凶然言皆不類宋史藝文志一一合諸家風水地理一卷金史海陵紀天德三年四月丙午詔遷都燕京辛酉有司圖上燕城宮室制度營建陰陽一一所宜宅經易訣云陰得陽如暑得涼一一咸和百

事俱昌

五氏

春秋定公九年秋齊侯衛侯次于——注——晉地左傳衛侯將如——卜過之龜焦衛侯曰可

也又後漢書李雲傳臣聞皇后天下母德配坤靈得其人則——來備不得其人則地動搖宮注史記曰庶徵曰雨曰暘曰燠曰風曰寒五者來備各以其序庶草繁廡是與氏古字通

五鄰

周禮遂人見四里下小學紺珠見三長下

五戶

晉書彭城穆王權傳孫元嗣立會庾戌制不得藏戶元匿——桓溫表元犯禁收付廷尉既而宥之

宋書文帝紀魯郡上民孔景等——居近孔子墓側蠲其課役供給洒埽宋史食貨志建炎四年令諸州受租籍不得稱分毫合侖銖釐絲忽錢必成文絹帛成尺粟成升絲綿成兩薪蒿成束金銀成錢紬不滿半匹

絹不滿一匹者許計丈尺輸直無得三戶——聚合成
匹 元史食貨志凡諸王及后妃公主皆有食采分地
其賦則——出絲一斤不得私徵之皆輸諸有司之府
視所當得之數而給與之 汲冢周書——為伍以首
為長

五口

周禮旅師凡新甿之治皆聽之使無征役以地之
媾惡為之等注以地美惡為之等七人以上授以

上地六口授以中地——以下授以下地與舊民同

穀梁傳古者什一注一夫一婦佃田百畝以共——父

母妻子也 漢書食貨志士工商家受田——乃當農

夫一人 宋史孝宗紀淳熙六年秋七月乙亥詔諸軍

——以上

增給緡錢

五家

周禮大司徒令——為比使之相保五比為閭使
之相受四閭為族使之相葬五族為黨使之相救

五黨為州使之相聘五州為鄉使之相賓 又遂人見
四鄰下 左傳齊侯伐晉夷儀敝無存先登求自門出
死于雷下齊侯謂夷儀人曰得敝無存者以——免乃
得尸注給其——令常不供役事 何休公羊傳序傳
春秋者非一疏傳春秋者非一者謂本出孔子而傳——
故曰非一 齊語——為軌軌為之長 戰國策蘇
秦說齊宣王曰齊地方二千里帶甲數十萬齊車之良
——之兵疾如錐矢戰如雷電解如風雨即有軍役未
嘗倍泰山絕清河涉渤海也注——即五國 史記天
官書太史公曰自初生民以來世主曷嘗不歷日月星
辰及至——三代紹而明之 又齊太公世家桓公既
得管仲與鮑叔隰朋高傒修齊國政連——之兵 又
太史公自序——之文悖異維太初之元論注索隱曰
案言金木水火土之文各相悖異不同也正義曰——
謂黃帝顓頊夏殷周之歷其文相戾乖異不同維太初
之元論歷律為是故歷書自太初之元論之也 漢書

高帝紀十二月詔曰秦皇帝楚隱王魏安釐王齊愍王
趙悼襄王皆絕亡後其與秦始皇帝守冢二十家楚魏
齊各十家趙及魏公子亡忌各一一穀梁之說注一一謂
它事 後漢書賈逵傳兼通一一穀梁之說注一一謂
尹更始劉向周慶丁姓王彥等皆為穀梁見前書也
又桓郁傳帝自製一一要說章句令郁校定於宣明殿
注華嶠書曰帝自製五行章句此言一一即謂五行之
家也 北史高祐傳見一井下 唐書元宗貴妃楊氏
傳賜諸姨錢歲百萬為脂粉費鈔以上柱國門列戟與
錡國忠諸姨一一第舍聯亘擬憲宮禁 又楊國忠傳
帝常歲十月幸華清宮春乃還而諸楊湯沐館在宮東
垣連蔓相照帝臨幸必徧一一賞賚不訾 宋史藝文
志蔡望一一通天局一卷 又薛季宣傳見二保下
管子一一而伍 水經注沙澗水北出虞山東南逕傳
巖有虞城堯妻舜以嬪于虞者也城東有山世謂之一
冢 梁簡文帝為人造丈八夾紵金薄像疏薄離一一

一微捐四事

楊炯早行詩見三歲下

皮日休胥口

即事詩見三家下

元好問紀子正杏園燕集詩就中

爛熳尤更好一

一合隊號與秦

五倖

後漢書桓帝紀贊桓自宗支越躋天祿政移一一刑淫三獄按一一謂單超徐璜左悺唐衡具瑗也

五獠

齊書李安民傳一一亂漢中敕安民回軍至魏興

五校

後漢書光武紀別號諸賊銅馬大彤高湖重連鐵脰大搶尤來上江青犢一一檀鄉五幡五樓富平

獲索等注諸賊或以山川土地為名或以軍容

強盛為號一一賊帥高扈五樓賊帥張文也

五狄

詩序蓼蕭澤及四海也箋九夷八狄七戎六蠻謂之四海疏釋地文職方氏及布憲注引爾雅云九

夷八蠻六戎一一謂之四海數既不同而俱云爾雅則

爾雅本有兩文職方列其國數惟五戎六狄與爾雅六

戎——上下不同餘則相似 禮記明堂位——之國
北門之外南面東上 北史素充傳清九夷于東穢沈

——于北溟 小學紺珠——月支穢貊匈奴單于白
屋 劉公輿太常觀四夷樂賦六戎——歡聲動于岐

雍 穆寂南蠻北狄同

日朝見賦見六蠻下

五胡 晉書元帝紀論晉氏不虞自中流外——扛鼎七
廟隳尊 小學紺珠——劉淵匈奴石勒羯慕容

孰鮮卑符洪

氐姚萇羌

五叛 謝靈運撰征
賦見三邑下

五賊 陰符經觀天之道執天之行盡矣故天有——見
之者昌——在乎心施行在乎天宇宙在乎手萬

化生乎身注——者命物時功神也 陸龜蒙讀陰符
經詩——忽迸逸萬物爭崩奔 皮日休和魯望讀陰

符經詩元機一以
發——紛然起

五神

漢書禮樂志——相包四鄰注——五帝為太乙相也 宋書禮志命——以相列闕九闕以集靈

齊書禮志月令云乃命百縣雩祀百辟卿士則大雩所祭唯應祭五精之帝而已勾芒等——既是五帝之佐依鄭元說宜配食于庭也 宋史藝文志——月法一卷 易林天官列宿——舍室宮闕完堅君安其居

九天生神章經邀翫怡——繁想嘯明侶 梁簡文帝吳興楚王神廟碑昔者武王詢於太公——之禮正

伊陟贊於巫咸三篇之義作 張說虛室賦見二見下莫旦大明一統賦六丁——之呵護九宮八門之形

勢 張九齡立春日晨起對積雪詩東郊齋祭所應見——來 李嶠車詩——趨雲至雙轂似雷奔

五仙

雲笈七籤帝真藏府命元——中靈之氣翻翻五帝駕飄飄元上門遊步黃花野迴靈驕樂端明

一統志——山在鞏昌府成縣南三十里山半有洞五相去各百步嘗有公孫氏五子學仙于此因名 又——

——觀在廣州府城內大市街 李羣
王登蒲澗寺後二巖詩見五羊下

五真 雲笈七籤脾中——名養光君字
太昌子恒守我喉內極根之戶

五厲 管子見
五吏下

五鬼 五代史李景傳景以馮延巳常夢錫為翰林學士
馮延魯為中書舍人陳覺為樞密使魏岑查文徽

為副使夢錫直宣政殿專掌密命而延巳等皆以邪佞
用事吳人謂之——夢錫屢言五人者不可用景不納

宋史藝文志行年——運轉九官法一卷 又王欽
若傳仁宗嘗謂輔臣曰欽若久在政府觀其所為真姦
邪也王曾對曰欽若與丁謂林特陳彭年劉承珪時謂
之——姦邪險偽誠如聖諭 又葉清臣傳見三尸下

范成大題漫齋

壁詩見三彭下

五形

晉書溫嶠傳嶠與侃書曰約峻凶逆無道囚制人
士裸其——近日來者不可忍見道德指歸論

道德之化天地之數一陰一陽分為四時離為——綸
為羅網設為無間黃庭內景經散化——變萬神是

為黃庭

曰內篇

五軀

南史海南諸國
傳見三絕下

五體

左傳序故發傳之體有三而為例之情有五一日
微而顯二曰志而晦三曰婉而成章四曰盡而不

汙五曰懲惡而勸善推此——以尋經傳觸類而長之
注上云情有五此言——者言其意謂之情指其狀謂
之體體情一也故互見之漢書律歷志元始有象一
也春秋二也三統三也四時四也合而為十成——

又宋書天竺迦毗黎國傳今以此國羣臣吏民山川珍
寶一切歸屬——歸誠大王足下 法苑珠林——投
地禮於
聖王

五眼

南史江綰傳父菑患眼綰侍疾將暮衣不解帶夜
夢一僧云患眼者飲慧眼水必差及覺說之莫能

解者綰第三叔祿與草堂寺智者法師善往訪之智者
曰無量壽經云慧眼見真能度彼岸菑乃因智者啓捨
同夏縣界牛屯里舍為寺乞賜嘉名勅答云純臣孝子
往往感應晉時顏含遂見冥中送藥又近見智者以卿
第二息夢云飲慧眼水慧眼則——一號可以慧眼為
名 北史高昂傳見一鐵下 大樹緊那羅王所問經
偈——清淨無結垢善能降伏諸怨敵 明一統志——
泉在臨洮府臯蘭山下相傳漢霍去病擊匈奴至此
以鞭卓地而泉出 王僧孺禮佛
唱導發願文——六通得意自在

五目

數術記遺把頭算以身當一一視四方注把頭之

法別須算二枚一漫一齒者一面刻為一其一面

為二一面為三其一面為四也漫者為把為猶即當五

算生齒者為把頭一目當一算故曰以身當一一視四

也方

五舌

易林一一啄

五咽

雲笈七籤

見一呪下

五指

宋史五行志乾道六年行都北闕有鮎魚色黑腹

下出人手於兩傍各具一一素問帝曰寒厥之

為寒也必從一一而上於膝者何也岐伯曰陰氣起於

一一之裏集於膝下而聚於膝上故陰氣勝則從一一

至膝上寒其寒也不從外皆從內也法苑珠林爾時

如來於一一端化五師子酉陽雜俎虎一一為軀

小學紺珠——巨指食指將指無名指小指 明一統

志——山在遼東萬松山北五峯拔起若手指然 又

——山在遼州城東北九十五里半山石壁有五手指

文 辯偽錄序我皇金言喻辭曰譬如——皆從掌出

佛門如掌餘皆如指信乎王言如絲其出如綸明逾日

月堅逾金石 李嶠進赤觚山鵲表三足呈休與黔烏

而比孝——為瑞

共白鱗而同德

五乳

易林——百離駢駁驤駒 吳師道廬

五心

又——易林二人異趣反覆迷惑一身——亂無所得

寶藏經爾時五百化人便於地——

——自歸舉聲言南無佛歸命覺

五內

魏志王凌傳注累紙誨示聞命驚愕——失守

蜀志楊儀傳歎咤之聲發於——參同契金砂

入——霧散若風雨 魏文帝與鍾繇書鄴騎既到寶

玦初至捧匣跪發——震駭 蔡琰悲憤詩奈何不顧

思見此崩——應瑒別詩臨河累太息——懷傷憂

石崇王明君辭哀鬱傷——泣淚濕珠纓 李白早

望海霞邊詩一餐噉

瓊液——發金沙

五中

素問黃帝燕坐而問雷公曰陰陽之類經脈之道

經揆度陰陽奇恆——決以明堂審於終

始可以橫行注——者謂五藏之氣色也

五臟

藏同書盤庚今予其數心腹腎腸疏以心為——

之主腹為六腑之總腸在腹內腎在心下舉腎腸

以配腹心 史記扁鵲傳長桑君亦知扁鵲非常人也

乃悉取其禁方書盡與扁鵲扁鵲以其言飲藥三十日

視見垣一方人以此視病盡見——癥結特以診脈為

名耳 漢書翼奉傳臣聞人氣內逆則感動天地天變

見於星氣日食地變見於奇物震動所以然者陽用其
精陰用其形猶人之有——六體——象天六體象地
故臟病則氣色發於面體病則欠申動於貌唐書藝
文志黃帝十二經脈明堂——圖一卷宋史龐安時
傳著難經辨數萬言觀草木之性與——之宜秩其職
任官其寒熱班其奇偶以療百疾管子五味者何曰
——酸主脾鹹主肺辛主腎苦主肝甘主心——已具
而後肉生莊子多方駢枝於——之情者淫僻於仁
義之行而多方於聰明之用也文子血氣者人之華
也——者人之精也呂覽凡食之道無飢無飽是之
謂——之葆淮南子耳目淫於聲色之樂則——搖
動而不定矣——搖動而不定則血氣滔蕩而不休矣
孝經援神契見四肌下黃庭經洗心自治無敢污
歷觀——視節度搜神記天竺人佛圖澄腹旁有一
孔常以絮塞之每夜讀書則拔絮孔中出光照於一室
平旦至流水側從孔中引出——六腑洗之訖還內腹

中 隋唐嘉話太宗閱醫方見明堂圖——之系咸負
於背乃愴然曰今律杖答奈何令解背分受乃詔不得
答背 酉陽雜俎有方鏡徑丈餘照人——秦皇世號
為照骨寶 小學紺珠——五氣心通舌肝通目肺通
鼻腎通耳脾通口 嵇康答難養生論澡雪——疏徹
開明 李白送方士趙叟之東平詩長桑曉洞視——
無全牛 韓愈苦寒詩悲哀激憤歎——難安恬 白
居易感事詩睡適三尸性慵安——神 姚合答韓湘
詩豈隨尋常人——為酒食 又明一統志——巖在
建昌府城東五十里地僻而幽前層後疊宛然一石洞
洞有溪流
縈帶而出

五腸

雲笈七籤骨節——名堅玉君字凝羽珠恒守我
太倉之府——之口——之口是死氣之門堅玉

君嚴固
守之

五芽

雲笈七籤昔黃帝於峨嵋山詣天皇真人請靈寶

經金丹諸真元與問——答曰乃五臟之真氣

中黃經曰子能守之三尸棄得見——九真氣

五絡

素問邪客於手足少陰太陰足陽明之絡此——皆會於耳中上絡左角

五液

素問五藏化液心為汗肺為涕肝為淚脾為涎腎為唾是謂——雲笈七籤精華盈滿——填溢

五息

雲笈七籤修飛步之道當思夫人姓諱形像并足上闔陽星上對北極星而左手撫心在手指北極

叩齒

三通咽液三過閉氣——而微呪酉陽雜俎柳

芳為郎中子登疾重有名醫張方福旦候芳芳遽引視

登遙見登曰有此頂骨何憂也因按脈——復

曰不錯壽且逾八十登後為庶子年至九十

五肱

素問瘡脈滿大急刺背俞用中鍼傍——俞各一適肥瘦出其血也注背俞謂大杼——俞謂諶諤

五脈

素問坐持寸口診不中——百病所起始以自怨遺師其咎又——氣少胃氣不平三陰也

五孔

元史禮樂志簫制如笛——雲笈七籤見三孔下

五竅

宋史沈攸之傳攸之死或割其腹心有——取聲

五鑿

荀子哀公問何如可謂庸人矣孔子對曰所謂庸人者日選擇於人不知所貴從物如流不知所歸

——為正心從而壞如此則可謂庸人矣注鑿竅也——謂耳目口鼻及心之竅也——雖似於正而其心已

從外物所誘而壞矣

五經

尚書序疏——六籍皆是筆書史記樂書通一經之士不能獨知其辭皆集會——家相與共講

習讀之乃能通知其意多爾雅之文漢書宣帝紀甘露三年詔諸儒講——同異太子太傅蕭望之等平奏

其議上親稱制臨決焉

又藝文志——雜議十八篇

又劉向傳本名更生初立穀梁春秋徵更生受穀梁

講論——於石渠成帝即位詔向領校中——祕書子

歆哀帝初貴幸復領——卒父前業 又李尋傳見六

緯下 又儒林傳贊自武帝立——博士開弟子員設

科射策勸以官祿訖於元始一經說至百餘萬言大師

衆至千餘人 後漢書明帝紀見四姓下 又章帝紀

建初四年詔諸儒會白虎觀講議——同異帝親稱制

臨決作白虎議奏 又祭遵傳建為孔子立後奏置——

大夫 又許慎傳慎字叔重少博學經籍馬融常推

敬之時人為之語曰——無雙許叔重 又井丹傳少

受業太學通——京師為之語曰——紛綸井大春

晉書孫綽傳見二京下 宋書禮志按舊置學官立——

博士覈取應選加其寵祿科見史之中及將吏子弟

有志好者各令就業一歲課試差其品第 又百官志

漢武建元五年初置——博士宣成之世——家法稍

增經置博士一人至東京凡十四人易施孟梁丘京氏
尚書歐陽大小夏侯詩齊魯韓禮大小戴春秋嚴顏各
一博士而聰明有威重者一人為祭酒齊書臧榮緒
傳榮緒惇愛一一著拜一一序論常以宣尼生庚子日
陳一一拜之南史齊宗室傳衡陽王鈞常手自細書
寫一一部為一卷置于巾箱中以備遺忘諸王爭效巾
箱一一自此始又周續之傳見十經下又賀瑒傳
梁天監四年初開五館以瑒兼一一博士別詔為皇太
子定禮撰一一義北史陸卬傳子乂於一一最精熟
館中謂之石經人為之語曰一一無對有陸乂又房
暉達傳明三禮春秋三傳詩書周易兼善圖緯牛弘稱
為一一庫隋書經籍志一一算術一卷唐書百官
志一一博士各以其經之學教國子易詩書左氏春秋
禮記為一一又選舉志凡算學周髀一一算共一歲
又孔穎達傳受詔撰一一義訓凡百餘篇號義贊詔
改為正義云宋史選舉志見三史下又見三條下

又藝文志周明辨——評判六卷 又神仙類——

題迷一卷 又蒲道傳母任知書號任——金史選

舉志見三史下 法言大哉天地之為萬物廓——之

為衆說邪 論衡孔子周世多力之人也作春秋刪——

——祕書微文無所不定 白虎通經常也有五常之道

故曰——物理論夫——則四海也傳記則四瀆也

諸子則涇渭也 文心雕龍揚子比雕玉以作器謂——

——之含文也 高彪集雜藝為庖厨——為府藏 隋

唐嘉話秦王府倉曹李守素尤精譜學人號為肉譜虞

祕書世南曰昔任彥昇善談經籍時稱為——筭宜改

倉曹為人物志 研北雜志徐明叔家書樓榜曰——

藏 兒世說虞荔九歲陸倕問以——十事對無遺失

小學紺珠——書詩禮樂春秋 蔡邕翟先生碑該

通——兼洞墳籍 杜篤書櫃賦抱六藝而卷舒敷——

——之典式 梁昭明太子詒明山賓詩見三徑下 李

白嘲魯儒詩魯叟談——白髮死章句 李頎送從叔

游襄陽詩向用——筍今為千里行 王季友訓李岐

詩千賓揖對若流水——發難如叩鐘 錢起送集賢

崔八叔承恩括圖書詩還勞——筍更訪百家書 獨

孤及晚秋集賢院即事詩陰陰萬年樹肅肅——堂

曹松浙右贈陸處士詩長當庚子日獨拜——書 錢

惟善送著作兼善赴奎章典籤詩——同異須劉向三

絕才名數鄭虔 又侯鯖錄陶人為器有酒經晉安人

凡饋人酒書云酒一經或二經至——焉他境人有游

於是邦不達其義聞——至東帶迎於門乃知是酒五

餅為—— 又禮記祭義禮有——莫重於祭注禮有

——謂吉禮凶禮

賓禮軍禮嘉禮也

五典 書舜典慎徽——五典克從傳——五常之教父

義母慈兄友弟恭子孝 書序少昊顓頊高辛唐

虞之書謂之——言常道也 左傳見三墳下 申鑒

天道之本仁義而已矣——以經之羣籍以緯之咏之

歌之絃之舞之前鑒既明後復申之 梁簡文帝南郊

頌序——三墨既歲凝於璧水九丘八索亦續紛於石

渠 梁元帝請於州置學校表三墳為瑚璉——為笙

簧 盧照隣駙馬都尉喬君集序安國討論科斗——

叶從史遷祖述獲麟八書爰創 許堯佐五經間賦見

四詩下 唐太宗賦尚書詩輟膳玩三墳暉燈披——

范仲淹謝黃惣太博見示文集詩二雅正得失——

陳雍熙 又後漢書朱浮傳——紀國家之政注禮記

曰溫柔敦厚詩教也疏通知遠書教也潔靜精微

易教也恭儉莊敬禮教也屬辭比事春秋教也

五書 北史序傳梁陳齊周隋——是貞觀中勅撰以十

志未奏本猶未出然其書及志始末是臣所修

五傳 小學紺珠春秋——左氏公

羊穀梁并鄒氏夾氏為——

五疏 宋史度宗紀咸淳九年呂

師夢——乞罷任詔赴闕

五策

宋史選舉志
見三種下

五箴

宋史趙湘傳時帝親製——以自儆湘因言宗室風化所本宜有以訓屬願特製銘以賜南北邸帝

悅為製宗室座右銘賜寧王元偓以下并及湘且諭之曰卿宗姓也故賜卿玉海景祐三年三司判官謝絳

進聖治——曰紹聞君臣內戒謹命敬變侍讀學士馮

元上金華——示詔褒答又寧宗初司農少卿劉光

祖入獻謹始——韓愈——序人患不知其過既知

之不能改是無勇也作——以訟其惡云按——游箴

言箴行箴好惡

箴知名箴也

五詩

小學紺珠——明堂辟雍靈臺寶鼎白雉

五頌

小學紺珠——班固賈逵傳毅楊終侯諷

五噫

後漢書梁鴻傳東出關過京師作——之歌曰陟彼北芒兮噫顧覽帝京兮噫宮室崔嵬兮噫人之

劬勞兮噫遼遼未央兮噫

李涉六歎序見四愁下

荀濟贈陰梁州詩——如適越十上似游秦

李白書

懷詩兒戲不足道——出西京

白居易贈妻弘農郡

君詩徒誇——作不解贈孟光

陸龜蒙咏臯橋詩橫

截春流架斷虹凭欄猶思——風

蘇軾和何長官詩

——已出東洛三復願比南容

又戲贈賈收秀才詩

見三賦下 陸游秋思詩平生

許國今何有且擬梁鴻賦——

五歌

杜甫乾元中寓居同谷縣作嗚呼——兮歌正長魂招不來歸故鄉

五詠

明一統志——堂在桂林府獨秀山前以劉宋顏延之有——君——故名 蘇軾江月詩不眠翻——

清切變

蠻謳

五題

真宗實錄王禹偁知蘇州長洲縣日賦——人多傳誦太宗聞其名召試相府授直史館賜五品服

擇犀帶以寵之

小學紺

珠——

賦詩制書批答

五文

李解鳳凰來儀賦六翮已成——畢備令狐楚和僕射相公訓忠武李相公見寄詩見八音下

王逢

送薛鶴齋真人代祀

天妃

還京詩見一髮下

五制

宋史應麟傳見四鼓下

五詔

唐書南詔傳開元末皮邏閣逐河蠻取大和城天子詔賜皮邏閣名歸義當是時——微歸義獨疆

又元稹

田宏正碑即日內出——

詔弘

正為中書令節度德棣于鎮

五符

宋史藝文志天關——式一卷又蔡定傳父革依郡獄吏傭書以生資定使學游鄉校稍稍有稱

郡獄吏一日坐舞文法被繫革以註誤年七十餘矣法
當免繫鞠胥任澤削其籍年而入之罪定切痛念父當
耆年以非辜墮圖桎誓將身贖數詣府號愬請代坐獄
弗許請効命於戎行弗許請隸一一為兵又弗許於是
預為誌銘其墓又為狀若詣府者結置袂間皆敍陳致
死之由冀其父之必免也以建炎元年十二月甲申自
赴河死府帥聞之驚曰真孝立命出革雲笈七籤吳
王闔閭出遊包山見一人在中問曰汝是何人答曰我
姓山名隱居闔閭曰子在山必有異見者試為取之隱
居諾乃入洞庭訪游乎地天見一石城門開於室內玉
几上有素書一卷文字非常即便拜而奉出呈闔閭但
其文篆書不可識乃令人齎之問孔子孔子曰此是靈
寶——真文昔禹得之於鐘山然後封之於洞庭之
室使者反白闔閭乃尊事之陸龜蒙入林屋洞詩見
雙斗

下

五奏

唐書房元齡傳陛下每決死罪必三覆——進疏

食停音樂以人命之重為感動也今士無一罪驅

之行陣之間委之鋒鏑之下使肝腦塗地老父孤子寡

妻慈母望柩車抱枯骨推心掩泣其所以變動陰陽傷

害和氣實天下之痛也

五議

宋史孫何傳真宗初何獻——其一請擇儒臣有

方畧者統兵其二請世祿之家肄業大學寒雋之

士州郡推薦而禁投贄自媒者其三請復制舉其四請

行鄉飲酒禮其五請以能授官勿以恩慶例遷上覽而

善之

五圖

雲笈七籤見三素下 鮑照代昇

天行——發金記九籥隱丹經

五業

漢書賈誼傳卧赤子天下之上而安植遺腹朝委

表而天下不亂當時大治後世誦聖壹動而——

附陛下誰憚而久不為此 魏志杜畿傳署樂詳為文學祭酒時太學初立有博士十餘人略不親教備員而已惟詳——並授其或不解詳無愠色以杖畫地牽譬引類至忘寢食 王粲荊州文學記夫文學也者人倫之首大教之本也乃命——從

事宋衷所作文學延朋徒焉

五律

北史牛氏傳且律十二今直為黃鍾一均唯用七律以外——竟復何施恐失聖人制作本意故須

依禮作還相為宮之法 金史禮志唐興因隋樂不改至周顯德以泰定律議者謂比唐樂高——唐太宗

聖教序見

一乘下

五韻

梁武帝與任昉詔聊為七夕詩——殊不近咏歌卿雖訥於言而辯於才可即製付使者 韓愈送

鄭十校理序求告來寧朝夕侍側東都士大夫不得見其面於其行日分司吏與留守之從事竊載酒肴席定

鼎門外盛賓客以餞之既醉各為詩——且屬愈為序
陸龜蒙秋夕文宴詩梁王座上多詞客——甘心第

成七

五抄

南史王筠傳愛左氏春秋吟諷常為口實廣略去取凡三過——

五寫

江淹為蕭重讓尚書敦勸表——月翹宜蒙凝照

五畫

觀佛三昧海經云何觀如來廣長舌相如來舌者是十波羅蜜十善報得其舌根下及舌兩邊有二

寶珠流注甘露滴舌根上諸天世人十地菩薩無此舌相亦無此味舌上——如寶印文

五爻

易乾初九象潛龍勿用陽在下也疏此六爻象辭第一爻言陽在下是舉自然之象明其餘——皆

有自然之象舉初以見末——並論人事則知初爻亦有人事互文相通也南史阮孝緒傳有善筮者張有

道曰見子隱迹而心難明自非考之龜蓍無以驗也及布卦既揲一一曰此將為咸應感之法非嘉遁之兆孝緒曰安知後爻不為上九果成遁卦有道歎曰此所謂肥遁無不利象實應德心迹并也

五墓

隋書臨孝恭傳著欹器圖三卷地動銅儀經一卷九宮一一一卷

五牒

宋史禮志為瘞瘠於土地外墻之內以玉為一一牒各長尺二寸廣五寸厚一寸刻字而填以金聯

以金繩絨以玉匱置石礧中

五卷

周書文帝紀大統十年夏五月太祖入朝秋七月魏祖以太祖前後所上二十四條及十二條新制

方為中興永式乃命尚書蘇綽更損益之總為一一頒於天下雲笈七籤見六卷下

五籍

雲笈七籤元都上品第九篇曰方諸文震靈符豁落七元八天隱文流金火鈴金神虎符消魔支幹

夜照神燭八術隱遁紫清玉符——洞元六
甲上符五行祕文元都格諸符凡有六百部

五言

書益稷予欲聞六律五聲八音在治忽以出納——
汝聽傳若樂音合度則言必得理以此樂音出

納仁義禮智信五德之言乃君之發言合彼五德施之
於人可以成其教化是出——也 又宋書樂志見二

言下

齊書樂志見一言下

又丘靈鞠等傳論見四

言下

唐書秦系傳與劉長卿善以詩相贈答權德輿

曰長卿自以——

長城系用偏師攻之雖老益壯詩

品逮漢李陵始著——

之目文心雕龍名南行露始

肇半章孺子滄浪亦有全曲暇

豫優歌達見春秋邪徑

童謡近在成世則——

久矣全唐詩話劉昭禹嘗與

人論詩曰——

如四十個賢人著一字如屠沽不得

滄浪詩話——

起於李陵蘇武七言起於漢武柏梁

又見七言下

汪克寬無逸圖賦嗚呼七歎感慨乎今

王之心不敢——

鑒視乎前哲之德李頎放歌行答

從弟墨卿吾家令弟才不羈——破的人共推 劉長卿送路少府應制舉詩——凌白雪六翮向青雲 韋

應物答秦校書詩莫道謝公方在郡——今日為君休

歐陽詹李評事公進示文集詩風雅不墜地——始

君先 韓愈薦士詩——出漢時蘇李首更號 白居易

易寄西川杜相公詩剪截——兼用鉞陶鈞六義別開

爐 姚合和鄭相演揚尚書蜀中唱和詩——全麗則

六義出風騷 杜牧寄宣州鄭諫議詩——寧謝顏光

祿百歲須齊衛武公 崔珣道林寺詩長卿之門久寂

寞——七字詩規模 方干贈式上人詩萬慮全離方

寸內一生多在——中 又獻王大夫詩荀宋——行

世早巢由三詔出溪遲 喻坦之陳情獻中丞詩——

非琢玉十載看遷鶯 蘇軾答王定民

詩八法舊聞宗長史——今復擬蘇州

五句

易坤彖疏正義曰至哉坤元至德合无疆此——
總明坤義及二德之首也 詩關雎五章章四句

疏見二

句下

五章

詩序是以闕雖樂得淑女以配君子疏言求美德善女使為夫嬪御與之共事文王——皆是也

又闕雖——章四句故言三章一章章四句二章章八

句音義——是鄭所分故言以下是毛公本意左傳

成九年夏季文子如宋致女復命公享之賦韓奕之——

——史記樂書作——以刺時李白勞勞亭歌昔聞

牛渚吟——今來何謝素家郎又周禮司服注見四

章下左傳見五行下又注青與赤謂之文赤與白

謂之章白與黑謂之黼黑與青謂之黻五色備謂之繡

集此——以奉承五色之用李白古風鳳飛九千仞

——備綵珍余闕送康上人往

三城詩芳郊列華屋文纓被——

五篇

尚書堯典第一注釋文凡十六篇十一篇亡——見存詩小序那祀成湯也微子至於戴公其間

禮樂廢壞有正考甫者得商頌十二篇於周之太師以
那為首疏微子至於戴公之時其間十有餘世其有君
閭政衰致使禮樂廢壞令商頌散亡至戴公之時其大
夫有名曰正考父者得商頌十二篇於周之太師此十
二篇以那為首是故孔子錄詩之時得其一一列以備
三頌也 又王城譜疏皇甫謐云平王時王室微弱詩
人愁而為刺今王風自黍離至中谷有推一一是也
又小大雅譜疏大雅民勞至桑柔一一序皆云厲王通
小雅十月之交雨無正小旻小宛四篇皆厲王時詩也
宋書樂志曹植鞞舞哥序曰漢靈帝西園故事有李
堅者能鞞舞遭亂西隨段熲先帝聞其舊有技召之堅
既中廢兼古曲多謬誤異代之文未必相襲故依前曲
改作新哥一一不敢充之黃門近以成下國之陋樂焉
宋史選舉志有趙昌國者求應百篇舉謂一日作詩
百篇帝出雜題二十令各賦一一篇八句日旰僅成數
十首率無可觀帝以是科久廢特賜及第以勸來者

又楊億傳雍熙初年十一太宗聞其名詔江南轉運使張去華就試詞藝送闕下連三日得對試詩賦——下筆立成太宗深加賞異通典漢武帝開獻書之路時有李氏得周官——闕冬官一篇河間獻王千金購之不能得遂取考工記以補其闕奏之班固東都賦今將授子——之詩

五字

詩闕雖五章章四句疏——者誰謂雀無角何以穿我屋之類也又七月鳴鵲疏蟬及鵲皆以五

月始鳴今云七月其義不通也古——如七肅之此說理亦可通史記武帝紀官名更印章以——唐書

驃傳舞為——以象五行宋史理宗紀寶祐三年春

正月壬戌詔宗正寺所擬宗子名以用宜季次紹——

續大由友嗣甫之下又樂志黃鐘用合字大呂太簇

用四字夾鐘姑洗用一字夷則南呂用工字無射應鐘

用凡字各以上下分為清濁其中呂蕤賓林鐘不可以

上下分中呂用上字蕤賓用工字林鐘用尺字其黃鐘

清用六字大呂大簇夾鍾清各用——而以下上緊別
之緊五者夾鍾清聲俗樂以為宮此其取律寸律數用
字紀聲之略也 秦州記河峽崖傍有二窟藏古書——

蘇軾復改科賦莫不吟咏——之章鋪陳八韻之

旨 沈佺期和韋舍人早朝詩見一經下 沈東美和

苑舍人寄南省友詩見三墳下 耿漳和第五相公登

鄱陽郡城西樓詩高齋成——遠岫發孤猿 盧綸題

賈山人園林詩——每將稱玉友一尊曾不顧金囊

韋承慶直中書省詩九思空自勉——本無施 權德

輿訓張祕監詩正名推——貴仕仰三珪 白居易將

發洛中令狐相公枉手札 蕪辱二篇寵行詩八行落泊

飛雲雨——鎬鏃動珮環 又歲暮枉衢州張使君書

詩萬言舊手才難敵——新題思有餘 張籍贈道士

宜師詩兩朝侍從當時貴——聲名遠處傳 杜牧出

守吳興詩見一杯下 李洞寄南嶽僧詩——句求方

寸佛一條街擘兩行蟬 許渾贈閑師詩見三乘下

李商隱和馬郎中移白菊見示詩偏稱含香——客從
茲得地始芳榮 李頻句只將——句用破一生心

殷文圭寄賀杜荀鶴及第詩見一戰下 路德延感舊
詩見一枝下 蘇軾書磨公詩後詩為吟——偈一洗

凡肉眼 孫覲讀沈德潤詩卷詩尤工——律句法窺

鮑謝 惠洪至筠詩雨窗燈火清相對畫出淵明——

詩 元好問聽姨女喬夫人鼓風入松詩胎仙不比湘

靈瑟——錢郎莫漫驚 又問論詩詩池塘春草謝家

春萬戶千秋——新 又濟南雜詩只應畫戟清香地

多欠韋郎——詩 柳貫觀南安趙使君所藏書畫古

器物詩藺亭——損不

損肥本瘦本斑斑殊

五紙

歷代名畫記
論見三紙下

五筆

宋史洪邁傳有容齋
——夷堅志行于世

五禮

書舜典協時月正日同律度量衡修——如五器詩野有死麕白茅包之傳凶荒則殺禮猶有以

將之疏解以死麕之意昏禮——用鴈惟納徵用幣無麕鹿之肉言死麕者凶荒則殺禮謂減殺其禮不如豐

年也周禮大司徒以——防萬民之偽而教之中

又保氏掌諫王惡而養國子以道乃教之六藝一曰——

——二曰六樂三曰五射四曰五馭五曰六書六曰九數

又小宗伯掌——之禁令與其用等齊書高帝紀

詔膠庠之典彝倫攸先所以招振才端啓發性緒弘字

黎氓納之軌義是故——之迹可傳六樂之容不泯

梁書武帝紀天監初何佟之賀瑒等覆述制旨撰吉凶

賓軍嘉——一千餘卷帝稱制斷疑焉又司馬瑒傳

梁天監初詔通儒定——有舉裴修嘉禮除尚書祠部

郎時創定禮樂聚所建議多見施行北史儒林傳序

盧景先學通羣藝修——之缺長孫紹遠才稱洽聞正

六樂之壞舊唐書職官志禮部郎中員外郎之職掌

貳尚書侍郎舉其儀制而辨其名數凡一一之儀一百
五十有二一曰吉禮其儀五十有五二曰賓禮其儀有
六三曰軍禮其儀二十有三四曰嘉禮其儀五十五曰
凶禮其儀一十有八唐書藝文志丘敬伯一一異同
十卷韋叔夏一一要紀三十卷又永徽一一一百三
十卷長孫無忌許敬宗李義府劉祥道許圜師韋琨蕭
楚材孔志約等撰二百九十九篇顯慶三年上宋史
徽宗紀政和三年班一一新儀又藝文志韋彤一一
精義十卷又一一緯書二十卷殷介集一一極義一卷
孫玉汝一一名義十卷元史祭祀志元之一一皆以
國俗行之惟祭祀稍稽諸古其郊廟之儀禮官所考日
益詳慎而舊禮初未嘗廢豈亦所謂不忘其初者歟
大戴禮聖人立一一以為民望注一一其別三十六生
民之紀在焉搜神記張華字茂先晉惠帝時為司空
於時燕昭王墓前有一班狐積年能為變幻乃變一書
生持刺謁華華見其總角風流潔白如玉舉動容止顧

盼生姿雅重之於是論及文章辨校聲實華未嘗聞比
復商略三史探蹟百家談老莊之奧區披風雅之絕旨
包十聖貫三才箴八儒擷一華無不應聲屈滯六
典博士掌辨一一之儀式奉先王之法制適變隨時而
損益焉事文類聚唐魏徵以定一一當封一子縣男
徵請封孤兄子叔慈帝愴然曰此可以勸俗即許之
王儉褚淵碑文見八刑下梁簡文帝馬寶頌割一一
和六英開四攝行八政孔稚珪上新定法律表一一
裂而復縫六樂頹而爰緝沈炯大極殿銘序六合既
清一一稍備何遜七名陳一一明六詩無名氏象
樽賦是以一一秩經於宗伯六樽詔典於春官崔淙
五星同色賦我后修一一偃五兵君臣一德歌舞以行
梁元帝和劉尚書侍五明集詩治家陳一一功成奏
六英謝朓永明樂見六塵下王融贈族叔衛軍詩
六樂畢該
一一備貫

五儀

周禮典命掌諸侯之儀——諸臣之五等之命注——

命一命不命也疏據命而說則通不命為——荀子孔子曰人有——有庸人有士有君子有賢人有大聖

小學紺珠——秀士

選士俊士造士進士

五樂

漢書郊祀志修五禮——注——謂春則琴瑟夏

則笙竽季夏則鼓秋則鐘冬則磬也小學紺珠——鼓鐘鐸磬鞀又音洛持人菩薩所問經斷諸所

樂捨諸有為一切染汙愛欲縛結心無所著不慕——

五英漢書禮樂志昔黃帝作咸池顓頊作六莖帝嚳作

——小學紺珠八樂雲門——六莖大卷韶濩

夏武

沈約修定樂書疏——懷慙六莖興愧張濛

曉過南宮聞太常清樂詩應將肆夏比更與——同

五聲

書益稷見五言下又舜典聲依永律和聲疏文之以——宮商角徵羽言——之清濁有五品分

之為——也 禮記禮運——六律十二管還相為宮也 又樂記見六律下 周禮疾醫見五氣下 又大

司樂見六樂下 又注六者言其均皆待——八音乃成也 又小司寇見五聽下 左傳見四姦下 又見

六疾下 又注——白聲商青聲角黑聲羽赤聲徵黃聲宮徵驗也 又——和八風平節有度守有序盛德

之所同也 注宮商角徵羽謂之—— 又見一氣下周語——昭德注昭德謂政平者其樂和也亦謂見其

樂知其德 漢書兒寬傳見四合下 宋書律志宮商角徵羽謂之——金石匏革絲竹土木謂之八音聲和

音諧是謂五樂 南史丘靈鞠等傳論發——之音響而出言異句寫萬物之情狀而下筆殊形 宋史樂志

惟絲聲備——而其變無窮五弦作於虞舜七弦作於周文武此琴制之古者也 莊子五色不亂孰為文采

——不亂孰應六律 又多於聰者亂——淫六律金石絲竹黃鐘大呂之聲非乎而師曠是已 呂覽耳之

欲——目之欲五色口之欲五味此三者貴賤愚智賢
不肖欲之若一雖神農黃帝其與桀紂同聖人之所以
異者得其情也鬻子數始五帝治天下禹之治天下
也以——聽門懸鐘鼓鐸磬而置鞀以得四海之士為
銘於簋簠曰教寡人以道者擊鼓教寡人以義者擊鐘
教寡人以事者振鐸告寡人以憂者擊磬語寡人以獄
訟者揮鞀此之謂——庾信盧永恩碑文六氣相犯
——相觸王褒上新定鐘表見八音下任昉請祀
郊廟備六代樂表據魏王肅議周禮賓客皆作備樂况
天地宗廟事之大者周官以下六律六呂——八音六
舞大合樂致鬼神以和邦國請依王肅祀祭郊廟備六
代樂馬融長笛賦心樂——之和耳比八音之調
蘇軾三法求民情賦見五辭下傅元軍鎮篇——協
八音諧宣武象贊天威梁簡文帝如響詩竟無——
實誰謂八音所魏徵五郊樂章黃中正位含章居貞
既長六律兼和——享大廟樂章——備奏三獻終

祠 鮑溶長安言懷詩思歸繞十指——不相和 又

周禮小司寇以——聽獄訟求民情一曰辭聽二曰色

聽三曰氣聽四曰耳聽五曰目聽 又白居易禁中

夜書與元九詩——宮漏初鳴夜一點窗燈欲滅時

五音

孟子師曠之聰不以六律不能正——史記田敬仲世家王又勃然不說曰若夫語——之紀信

未有如夫子者也若夫治國家而弭人民又何為乎絲

桐之間 宋史藝文志——地理書三卷 素問見二

地下 老子——令人耳聾 管子夫——不同聲而

能調此言君之所出令而無妄也而無所不順順而令

行政成 呂覽耳之情欲聲心不樂——在前弗聽

易林宮商角徵——和起君臣父子弟順有序唐虞襲

德國無災咎 又舍血走禽不曉——匏巴鼓瑟不悅

於心 淮南子音之數不過五而——之變不可勝聽

也 春秋繁露試調琴瑟而錯之鼓其宮則他宮應之

鼓其商而他商應之——比而自鳴非有神其數然也

急就篇——總會歌謳聲注——宮商角徵羽也聲
成文謂之音會謂金石絲竹匏土革木總合之也長言
謂之歌齊歌謂之謳文心雕龍二曰聲文——是也
道德指歸論五味在口——在耳如甘非甘如苦非
苦如商非商如羽非羽而易牙師曠有以別之王律
通政經——克諧各得其所則鳳凰翔鄉嬛記雷威
斲琴無為山中以指候之——未得正躊躇間忽一老
人在旁指示曰上短一分頭豐腰殺已日施漆戊日設
絃則庶可鼓矣忽不見後如法斲之無不佳絕世稱雷
公琴小學紺珠——一胥聲并餅二舌聲靈歷三齒
聲陟珍四牙聲迦佉五喉聲網各嵇康聲無哀樂論
章為五色發為——謝惠連琴贊見九絲下劉孝
標廣絕交論若——之變化濟九成之妙曲此朱生得
元珠於赤水謨神睿以為言屈原九歌——紛兮繁
會君欣欣兮樂康傳緯笛賦——是備六孔斯設
無名氏聞韶賦悅——而肆直孰謂其聾致六府之和

平自忘於味 林同生四靈賦——雖雖五采煌煌

閭隨侯西嶽望幸賦其色也白白為五色之質其音也

商商為——之紀其味也辛辛為五味之和其行也金

金為五行之始 魏文帝善哉行有客從南來為我彈

清琴——紛繁會拊者激微吟 賀知章唐禪社首樂

章——克備八變聿施 又訓楊八庶子喜韓吳興與

余同遷見贈詩琢磨三益重唱和——調 白居易小

童薛陽陶吹感栗歌見九孔下 盧仝聽蕭君姬人彈

琴詩形魄散逐——盡雙蛾結草空嬋娟 又風中琴

詩——六律十三徽龍吟鶴響思庖義 崔珣席間咏

琴客詩七條弦上——寒此藝知音自古難 曹唐小

游仙詩溪影沉沙樹影清人家皆踏——行 薛逢聽

曹剛彈琵琶詩見四弦下 杜荀鶴白髮吟九轉靈丹

那勝酒——清樂未如詩 吳融李周彈箏歌聞君七

歲八歲時——六律皆生知 和凝解紅歌百戲罷——

——清解紅一曲新教成 牛叟琵琶行見三尺下方

回聽孫鍊師琴詩——本無根舌齒六律發揮憑手指
耶律楚材和搏霄韻代水陸疏文詩飢家煮稻無兼

味醉後鳴

柳笑——

五響

徐陵齊國宋司徒寺碑
秋蓬四轉春鴻——

五拍

蔡琰胡笳十八拍攢眉向月兮
撫雅琴——泠泠兮意彌深

五弄

唐書禮樂志
見四弄下

五調

宋史樂志以禮運正義推之則每律各為一宮每
宮各有——而其每調用律取聲亦各有法此為

琴之

綱領而說者罕及小

學紺珠

——平清瑟楚側

五徵

宋史樂志
見二商下

五太

宋史律歷志其四明律呂相生祭天地宗廟配律陽之數曰太空育——太易太初太始太素太極

也

嘯旨嘯有——五太者五音

也

宮商角徵羽以配仁義禮智信

五成

禮記樂記疏——而分周公左召公右者從第二位至第三位分為左右象周公居左召公居右也

終也

儀禮燕禮升歌鹿鳴下管新宮笙入——注——三

陳災鄭裨竈曰五年陳將復封子產問其故對曰陳水

屬也火水妃也而楚所相也今火出而火陳逐楚而建

陳也妃以——故曰五年注五行各相配合得——而

故五歲而陳復封——邢邵文宣帝哀策文風后之陳師

尚之兵三奇六合七變——庚信華林園馬射賦唐

弓九合冬幹春膠夏箭——青莖赤羽又周禮天官

司儀將合諸侯為壇——疏三重也爾雅丘——為

陶丘——銳上為融丘注成重也後漢書光武紀見

千秋下水經注——為崑崙丘山海經東望恒山——注成亦重也風俗通五行者亦物之宗也道以三興德以——

五量

漢書律歷志以子穀秬黍中者千有二百實其龠以井水準其龠合龠為合十合為升十升為斗十

斗為斛而——

嘉矣

北史魏道武帝紀詔有司正封

畿制郊甸端徑術樹道里平五權較——

定五度小

學紺珠——

權衡升

斛尺丈里步十百

五權

漢書律歷志——之制以義立之以物鈞之注錄

而亡敗無威內而輕外無見其利而不顧其害凡慮事

欲熟而用財欲泰是之謂——汲冢周書——一曰

地地以權民二曰物物以權官三曰鄙鄙以

權庶四曰刑刑以權常五曰食食以權爵

權

地地以權民二曰物物以權官三曰鄙鄙以

權

權庶四曰刑刑以權常五曰食食以權爵


五數

禮記王制疏疆濠之地九夫為數一一而當一井
漢書律歷志歷十二辰之數十有七萬七千一百

四十七而一一備矣注一行陰陽變化之一宋史孫
守榮傳生七歲病瞽遇異人教以風角鳥占之術其法
以音律推一一播五行測度萬物始終盛衰之理凡問
者一語頃輒知休咎齊東野語俗以每月初五十四
二十三日為月忌凡事必避之其說不經後見衛道夫
云問前輩云說此三日即河圖數之中言一一耳五為
君象故民庶不可用此說頗有理
小學紺珠一一一十百千萬



御定駢字類編卷九十六



總校官庶吉士_臣侍朝

校對官檢討_臣王坦修

謄錄監生_臣潘永煒